



武定詩續鈔 十五 十六 十七 十八

14
743
22



743
22



武定詩續鈔卷十五

利津李佐賢竹朋編輯

吳式芬

字子苾號誦孫海豐人塗厓公孫道光乙未進士由編

修官至內閣學士兼禮部侍郎著陶嘉書屋稿拮古錄

彭詠莪相國蘊章吳公墓誌公蒙宣廟特簡南安知
府時粵東用兵轉輸軍餉以南安為後路公措置裕如
不擾民而供億無誤甲辰授右江道次年擢按察使虛
衷研鞫務得其情擢河南按察使越二年擢直隸布政
使尋調貴州咸豐建元之歲復調陝西甲寅補鴻臚寺
卿提督浙江學政明年補內閣學士兼禮部侍郎街充
鄉試監督臨官引疾歸里而卒公性平易無疾言遽色與
人交相規以道義好金石文字凡鼎彝碑碣漢轍唐鏡

武定寺賣少

卷十五

之文皆拓本藏之於古人書畫尤工鑒別善鼓琴每訪山川名勝必攜以自隨雖處貴顯其意泊如也。君鮮榮利之好而深翰墨之緣於金石書畫尤為篤嗜與余有同情不徒以同譜相友善也所著摺古錄於鐘鼎碑版文字搜羅靡遺蓋自歐趙著錄以迄今日考據家無如是之詳盡賅博者洵堪信今傳後無疑也古詩氣清筆健酒脫自喜神似坡公律詩亦工力悉敵今為錄存若干首其餘斷章賸句尚多佳製附錄於左五言如遊湖西莊云樓空何礙小門設不須關失題云橋通虹一道城夾月雙圓頽雲沈塔影急雨壯灘聲七言如題雪堂云雪壁已成千古跡霜花初綴一庭秋素心蘭云能安冲淡為君子洗盡鉛華是美人修禊云觴詠此間須我輩鶯花從古屬詩人穀雨云鳩婦呼殘三徑雨鼠姑開淡一簾風失題云瓦檠照室鏡全暗土壁尋詩字半說青山遮道如留客紅葉隨舟亦送人風聲入竹有琴意月影寫窗無墨痕世間無用真奇福身後圖名亦太癡江翻白浪通三峽人與青山共一城皆佳

壬寅重九日麻姑山紀遊十首

自我來盱江。三月牽塵牘。仙山在近郊。未獲一遊目。惟於登樓時。遠見嵐翠撲。昨夜西風多。今晨天氣肅。良朋折柬招。遂策遊山足。身便筍輿輕。意與飛雲逐。詰曲行田間。村村喜豐熟。市氛忽已遠。漸近山之麓。

山麓何所有。先聞泉語聲。石橋通曲折。細溜潑洄鳴。拾級聚南上。響漸酣鏞笙。飛流趨斜坂。銀浪翻鏗錡。迅如注坡馬。矯若赴海鯨。再上有巨石。壁立十尋盈。瀑泉出其頂。蓄勢快欲傾。石乃挽之住。激起而相爭。化為雙匹練。散作千珠瓔。寒光耀積雪。細

沫飄飛。雲卽此歎觀止。名山非虛名。且復爲少憩。一濯塵中纓。
有橋翼然橫。據於兩山罅。是名曰龍門。中有深流瀉。鼓勇再登陟。
力倦不能罷。俯視天紳垂。高踞虹梁架。城市望微茫。諸峯羅
肘膀。其下有石潭。沈沈暗苦夜。咸云深不測。虬龍之所舍。盛早
或禱祈。風雲生叱咤。永願福吾民。歲納曾孫稼。

橋旁泉一泓。形如半月暈。一勺雖不多。盈科亦漸進。其味清而
甘。釀之成良醞。號爲麻姑酒。品奪諸泉儔。方其在山時。深廣僅
膚寸。及其出山後。山田資澤潤。願言仗神功。布濩於一郡。
泉在龍門橋後名曰神功泉

自橋折而右。山境忽開闊。迤邐接畦疇。陰森列松柏。礪水通其
間。粼粼漱白石。老楓遲去聲霜紅。修竹挺寒碧。野卉不知名。沿谿
殊婉孌。中有碧濤庵。開士此焉宅。盆花列中庭。新詩滿素壁。周
覽且流連。滌甌試雲液。

山僧導我遊。言至仙都觀。昔是蔡經居。真人此伴免。棟宇尙巍
峩。丹青餘炳煥。盼蠻如有聞。靈風動幃幔。廟貌雖儼存。仙壇非
舊貫。葛洪井就湮。七星杉久爨。惟餘碧蓮池。枯葉擎風戰。何必
觀蚌螺。此亦滄桑幻。

東壁嵌貞石。乃是魯公碑。細楷若蚊腳。點畫分毫釐。舊傳此碑

刻大小二本垂。我昔官京邸。大字曾見之。端巖筆屈鐵。勁利沙

畫錐。又見小字本。徑三分有奇。末曰姚令免。波磔尤權奇。大字本字

徑寸餘。小字本字如指頭。未有姚令免三字。孫退谷以為魯公最得意書。惜哉。此兩刻。竟無片石遺。

今傳極小字。或云僧所為。趙明誠金石錄云。仙壇記。又有一本。字絕小。黃魯直言乃慶厯中一學佛

者所書。幾經傳撫手。風骨存依稀。摩挲未刊石。深我懷古思。

孤松大合抱。偃蹇如遊龍。故老傳此樹。植自顏魯公。明代曾補

種。又歷百春冬。鐵幹鱗甲錯。蒼皮苔蘚封。後為魯公祠。門對五

老峯。并祀李忠定。廬陵文山翁。復益岳少保。暨中丞胡松。列龕

奉木主。總額曰五忠。祠舊名三忠。祀唐顏魯公。宋李忠定。文信國。後以岳忠武。明胡中丞。祠。祀移木主。附

祀改額。日五忠。此松托此地。勁節宛相從。樹猶堪愛惜。彌仰前賢風。

古之善遊人。山水愜所好。扶奇忘險怪。窮幽極深奧。我聞茲山

中。景物尙多妙。有泉曰虎跑。有石曰玳瑁。齊雲亭崢嶸。丹霞洞

曲突。碧澗與紅泉。謝公所嘯傲。遊興方未闌。羣山忽夕照。僕夫

促整駕。歸鴉已前導。濟勝非無心。山靈勿予誚。且留未盡意。他

日期重到。

歸輿降重嶺。羣厯穿山翠。泉聲如送人。遠自崖巔墜。迴望衆山

高。暮色蒼然至。徐行踏月還。薜蘿縈夢寐。三年守庾嶺。探梅才

一次。茲遊雖偶然。因緣亦非易。挑鐙試濡毫。聊以代遊記。

宣城敬亭山舊有七賢祠祀南齊太守謝元暉唐李太白
韓文公宋晏元獻范文正明姜如農張藐山皆遊宦及
寓公也王廉普太守宰宣城日重葺祠宇增祀宋梅聖
俞國朝施愚山梅勿菴為十賢祠作記刻石并繪敬
亭十賢祠圖徵詩

敬亭古名山宣城古名郡遊蹤固多賢鍾毓亦英雋如何列俎
豆獨於鄉哲斬豈若產杞梓楚材用於晉山靈而有知能勿含
微愠廉明賢宰官教先民氣振鳩工葺遺祠增祀協輿論猗歟
此十賢各能垂令聞趨尚雖不同風俱高千仞廉頑而立懦異

代猶思奮椒醕薦奠虔歲時奔走駿茲山藉肸蠁草木有餘潤
韓陵此片石毋使苔花暈

吳雪鋒重摹漢西嶽華山廟碑歌

八分刻盛東京時集古所錄今多墮華山廟碑更奇絕二千年
上傳延熹貞履竊隆遭踏折敲火礪角無從知世間舊搨祇二
本尹邢未敢評妍媸墨莊傳本歸王氏竹垞題詠藏西陂嶧山
棗木有重刻此碑常恨人難窺雲台尚書精鑒賞搜羅秦漢窮
軒義忽從錢氏辛楮得善本古香生墨光陸離由來好古共欣賞
天下尤物羞自私吾家雪鋒工篆刻腕力下走生蛟螭鉤撫舊

五定詩續錄
五
本人微妙。奏刀騁春重磨治。織波濃點迺通宵。銀鉤鐵畫相摹
追。兼勒篆額並題字。如印印泥沙畫錐。泰山石刻李斯篆。吳都
天發神識碑。同時摹置北湖上。貞石鼎峙爭嶷嶷。伊予嗜古同
嗜跡。每以生晚興遐思。揭來晤君齊安郡。篋出一紙欣相貽。神
韻天然謝雕琢。滿幅憾無毫髮遺。輕如郢斤風瞥過。重若九天
雲下垂。峭似孤峯懸危石。端比天廟陳尊彝。鳳鸞翔舞勢縹緲。
蛟龍騰擲鱗之而。神仙飛遊絕行迹。人間筆楮安能爲。觀古但
求得其意。何必定考書者誰。中郎卽今多異論。察書市石徒滋
疑。我於此本得未有。展玩豈惜手生胝。寒山喜共片石語。綈錦

早襲十朋龜。齋中且莫設寒具。古趣已覺忘人飢。區區隴蜀有
癡意。儻肯惠我成三奇。泰山石刻及神識
碑摹本尙望續惠

孟亭修禊

陰雨連朝鳩婦喚。九十韶光過逾半。東風昨夜散癡雲。百花爭
笑春鶯亂。驚心時序三月初。蘭亭曲水今何如。禊事由來盛千
古。嘯吟肯使青春虛。蕭齋近傍孟亭側。孟亭亭外春如織。落花
糝徑紅半弓。修竹壓檐青一色。招邀朋好先馳箋。山肴野蔌開
芳筵。觥籌交錯此歡笑。主賓禮數都從蠲。興酣起向孟公舞。把
酒請君酌一甌。江山冷落幾何年。要君更作鶯花主。卻憶往歲

雪堂中。清遊笠屐追坡公。浮蹤但得住勝地。景物雖異吟懷同。
竭來開軒對峴首。自植天桃與新柳。一年春事賸無多。僂指今
朝稱蠅斗。夜闌不覺涼烟生。樺燭未燃花光明。半疆蟾影銜屋
角。聽取來朝鷓鴣鳴。

龔定盒禮部招同廖鹿柴工部家紅生舍人蔣子瀟孔繡

山梁敬叔三孝廉出右安門觀海棠用東坡定惠院海

棠詩韻

蕭齋兀坐如枯木。賴有琴書慰閒獨。春光如海未春遊。坐令名
花笑人俗。忽欣良友相招邀。逸興翻如鶯出谷。嘉賓萃止盡名

流。劇談不覺月照屋。醉我深杯竹葉醪。飽我大斝花豬肉。侵晨
聯轡出郭門。數里未須疲馬足。林深寺古徑轉幽。日暖天清氣
猶淑。媽紅匝匝出檐牙。嫩綠蕨蕤遮樹腹。新妝試罷媚清曉。翠
裊無言斜倚竹。不羞狂態對幽姿。卻借花光洗塵目。莫辭後會
訂再來。得隴豈復嘲望蜀。良辰勝侶非易得。歸程恐逐南飛鷁。
時定盒將乞養南歸蘇隄十里足春陰。君家正在湖山曲。明年湖上看花
時。此景迴思定振觸。

題蕭朗齋松石齋詩集

萬梅花國春如水。花光化作香雲起。奇情逸態不可招。飛入君

家詩卷裏君才自是仙中人。當頭明月應前身。作尉猶得占庾嶺。迴與俗吏殊風塵。我讀君詩正花發。梅韻吟心雨清絕。知君詩格老更奇。看取寒枝如屈鐵。

苦熱謝時松石前輩餽紅瓢瓜

赤日赫赫輝庭梧。火繖張空纖翳無。衙齋局促苦蒸溽。兀坐一室如枯株。冥思放棹傍洲渚。涼飈颯颯生菰蒲。不然攝屐入巖洞。石氣清冷苔紋鋪。薄書束縛撓世網。坐令畏景無由通。招涼嘉品忽拜賜。顛顛化作頰蚪珠。絺巾乍拭黝膚淨。上環剖出瓊肌腴。赤玉夜遺炎帝珮。紅冰曉結靈芸壺。乍疑楚江如日之萍。

實負以汗血來湘湖。又疑丹沙擲地之餘粒。靈根變化從麻姑。餐霞嚙雪不知饜。習習兩腋清風俱。捐同紈扇豈遽忍。翻祝炎暑遲遲徂。遙思北地富佳果。黃瓜紫李紛街衢。香梨潔似白雪白。巨桃豔若朱唇朱。不待秋風起天末。已覺鄉夢生尊罍。

張詩舫中丞得楊子鶴畫江南春卷倩嚴朗如補寫橫雲山一角於後以寄鄉思屬爲題句

前谿後谿春水曲。千山萬山春樹綠。江南烟景浩無邊。妙筆收之入尺幅。竭來補寫兩三峯。橫雲兀來眼中。淋漓烟墨相映發。後先作者嗟同工。仙館清娛集嵇阮。卻對終南開畫本。一簾

微雨話吳淞。坐覺滄洲興非遠。

十月初四日。偕同人遊鳳凰山。廣度庵看菊。小集湛心閣。

路轉江城北。門開翠麓南。佳辰偕勝侶。初地愜幽探。紅葉前賢

墓。寺東爲宋李泰伯墓。黃花古佛龕。禪心與琴理。試共遠公參。且初煮石兩上人俱

工詩。煮石兼長于琴。

鄒平道中寄馬東泉學博。以詩代柬。鈔二

殘雪邾滕路。驅車賦北征。言思予雲宅。住近嶧陽城。七載江湖別。千秋金石盟。紆途欲相訪。無那迫王程。

東華門外路。此去未淹旬。待躡幽燕雪。來尋臆繹春。文奇欣賞

漢碑古共摹。秦他日初衣。遂還期卜結鄰。

春夜書懷。和徐幼眉夫子韻

空翠黏雲夜掩齋。一簾細雨溼苔階。花香入抱縈清夢。鐙影搖春愜靜懷。破睡幾人同茗椀。聯吟深夜鬪詩牌。來朝試踏銅鞮路。草軟泥融淺印鞞。

居黃十載每思遊西山而未果。乙亥重陽渡江往遊。得盡

覽其勝。賦以誌快。

松陰曲徑接山根。萬綠葱蘢擁寺門。四壁雲峯奇入畫。一江烟水勢遙吞。每因懷古求遺迹。更爲登高共舉樽。從此林泉成故

識。再來重認舊題痕。

蔣矩亭明府和前韻貺答并錄示近作兼寄琴譜仍依前

韻卻寄四首 鈔一

一春風雨滯鶯聲。簿領多寒筆硯盟。折簡君能通遠驛。論詩我
欲築降城。辨才乘轆翻無竭。逸韻捶琴峭以清。入手淋漓新墨
瀋。山郵剛是越旬程。來時寄自三月中
旬於月末得達

擁翠亭

衆綠環如幄。孤亭峙翠微。遊人雙袖濕。都帶白雲歸。

襄陽使署小園雜興 鈔六

僕指黃州十載零。讀書鐙記雪堂青。者番蹤迹留鴻爪。又得開
軒傍孟亭。

峴山一角枕城隈。螺髻層層畫本開。烟樹萬重遮不住。亂青遙
送入園來。

一春烟雨鎮模糊。雲樹周遭總畫圖。爲問阿誰留粉本。逼真當
日米於菟。

不礙人行花四面。恰聽鶯囀樹千株。籬邊隙地平如掌。自把鴉
鋤種鼠姑。

移種緋桃近碧紗。夕陽橫影逗流霞。飯餘小立闌干外。細數新

開又幾花

詩牌琴譜日紛陳。雅集芳園孰主賓。剝啄送花人又至。移來城外幾分春。

途中書所見

清谿一曲路三叉。茆屋青山相映斜。知是誰家小庭院。隔牆露出蠟梅花。

王懷德

字允修。號葵圃。濱州人。崑巖公族孫。諸生。

初夏卽事

無限幽閒趣。都歸寂歷中。庭坳槐潤雨。窗隙竹搖風。乳燕翻新綠。遊魚咬落紅。生機真活潑。何事可書空。

趙杰

字子英。號睨漁。利津人。恩貢。著鏡心齋詩草。

題石芝圖

天地有奇觀。往往無定處。奇士偶得之。凡庸不可遇。何來一片石。飛向此間住。憶昔盤古時。與爾曾有故。媧皇補青天。嗟呀鍊無數。獨此臥空山。睨睨不屑顧。精微填滄海。勤銜知不足。獨此惜靈根。不為勞生悞。磅礴蘊乃真。堅貞守其素。萬劫歷風霜。終

武定詩續錄
古藏烟霧紅塵絕淨嘉。明月任來去。樵徑自重重。欲尋難通路。
瓊芝生其旁。體如珊瑚樹。一元瑞氣凝。五色祥雲護。味邀九畹
蘭。恩釀三霄路。洪荒不計年。苑枯經幾度。世運變滄桑。晦朔嬗
烏兔。四時不開花。省卻俗人慕。若待會羣仙。壽筵合相助。嗟哉
黃初平。叱羊未可馭。還期商山翁。採茹消沈痼。畫工負異才。博
涉成佳趣。兩美得益彰。至理箇中寓。我觀拍手驚。稱奇信非譽。
會意神爲傾。疑情目爲注。懸之石壁間。行坐常相晤。好深轉疑
癡。愛極反欲妒。題句並圖傳。驥尾良可附。把筆試再三。慚無驚
人句。珍重識一言。莫教染塵汗。擬當盥薇薰。焚香目一炷。

代癡道人題畫

五日畫一石。十日畫一水。王宰留真迹。此語偶然耳。按時以課
程。求劍刻舟矣。有時興到來。頃刻千萬紙。天機不動時。可以止
則止。板橋信我師。兩言通至理。索畫不畫間。解人當如是。
未經落筆前。畫機在何處。抹墨著紙後。畫興歸何去。空色有還
無。此理誰能悟。君看畫裏船。順風引前路。君看畫裏山。隱隱迷
遠樹。終日不出門。名勝隨時遇。莫問幻耶真。轉倏新復故。但得
絕世緣。日涉成佳趣。

學不師古人。規矩何由得。泥古以爲師。毫釐千里失。得魚可忘

正定詩經金
三五
筌膠柱難鼓瑟。尋蹤希入門。傳神想入室。筆筆師古人。無古人
一筆。詩文與書畫。凡事求其一。得一御無窮。天下能事畢。

代梅雪道人題踏雪尋梅圖

儂本號梅雪。生愛清冷趣。不料見此圖。意恰與儂遇。梅花千萬
枝。雪花紛無數。願借畫中驢。馳儂畫中去。

題蕉葉

秋樹引秋風。秋雲護秋月。秋吟寫秋懷。題上芭蕉葉。
閒詩自唱酬。客思誰能遣。含笑問芭蕉。秋心幾時展。

誌夢呈若甫李表叔文綬

疏窗印月花弄影。沈沈玉漏覺夜永。殘燈欲盡不成眠。重衾儂
徧猶嫌冷。別緒繚繞思無端。離魂幻入太虛境。奚童報道故人
來。葡萄酒甕爲君開。久違重合驚且喜。與君共飲三百杯。談心
話舊索新詩。縱橫跌宕真壯哉。爲言此日須盡歡。萍蹤飄泊會
面難。知己惟有君與我。臭味投合如芝蘭。談笑未竟日輪仄。行
色匆匆時相迫。河梁握手不忍分。願君流連永朝夕。行人去去
未肯住。轉瞬辭我登長路。鞭絲帽影黯魂銷。未知何時重把晤。
古寺晨鐘遞遠音。陡然喚醒夢中身。故人言笑猶在耳。頓訝相
逢假耶真。爲真爲假總難知。浮生若夢原如斯。伏枕輾轉長太

息夜如何其東方晞

送別

勘破浮生夢。飄然世外身。縈懷千萬緒。知己兩三人。草草悲前事。茫茫緒後因。挑燈終此夕。何忍共沾巾。

寄李若甫表叔都門

知己心情喻臭蘭。離羣千里憶長安。駒過牆隙更時易。雁滯天涯得信難。自是祖生先起舞。應知范叔不終寒。何年大展澄清志。濟世同迴既倒瀾。

憶若甫表叔

雞窗猶是舊儒冠。絕少新交憶故歡。世宙寥寥知己少。羣倫碌碌識人難。此生嘗盡蠹魚味。幾載飛搏翠鳳翰。應笑嵇康疏懶慣。從無一字寄長安。

題畫

棲迹多年不出山。山光罨畫水潺湲。卻慚書畫緣無了。輸與春雲一段閒。

七夕

銀河寂寂夜迢迢。看取雙星咫尺遙。天上別離真也未。人間空話鵲填橋。

一年一度駕銀河。會短離長喚奈何。十二萬年天不老。良緣已較世間多。

趙長齡

字怡山。利津人。子英從弟。道光壬辰進士。由檢討現官

山西巡撫

怡山表兄由庶常習國書授檢討轉御史

者保薦擢粵東糧道迭升按察使以憂去嗣經川督駱奏調入蜀補四川按察使升陝西巡撫旋調晉撫

秋夜不寐

展轉中宵漏已深。無端百感苦相侵。鳴蛩匝地秋生籟。旅雁橫空夜有音。鐙影無光痕黯黯。鄉思欲斷意沈沈。牀頭幸有沾春

在。坐擁孤衾次第斟。

尋梅

昨夜風寒雪亂飄。梅開料得在今朝。醉欹驢背閒尋去。知過前谿第幾橋。

過牟珠灘

萬口喧呼共一聲。攢篙并與急流爭。浪花石筍經年鬪。造物何因怒不平。

王文耿

字熙甫。海豐人。歲貢。著塔影山房詩集。伊蒿賦草。

吳孔獲廣

文式訓王先生傳先生讀書研究經傳以大儒自期爲
文力追先正而卒不得志居喪哀毀幾至滅性於兄弟
情篤至老無間家極貧非道義不
以一介取終日手一編晏如也

秋夜慟怡菴先生之亡因憶自先君子棄世後二十年餘
邑中前輩及諸戚友相繼謝世者多矣聊倣子美八哀

作此志悲

練河倒瀉如懸瀑。梧桐葉落露團竹。西風陡起響謾謾。蛩聲鳴
咽。傍籬菊。三更夢醒月照屋。照見顏色如在目。築舉經筭便便
腹。直上霄漢青雲蹴。忽然垂翅天遽祝。小華然藜校天祿。觸邪
更宜解豸服。帝遣巫陽召何速。公甫無瑕玉在櫝。數載馳驅褒

斜谷扶柩力憊死。削劓。棗亭辛勤映雪讀。孝親冬夏問寒燠。道
途飢渴病勞碌。定遠舌耕給饘粥。鐵硯磨穿中書禿。老驥一臥
櫪。下伏。秀巖坦懷無邊幅。羸體南北常輾轉。終年尙未到望六。
易山能詩耽檠翹。工書工畫不炫鬻。白眼鄙他官食肉。亦蘇宦
達錦簇簇。計日進階可協卜。詎料靈輓復邦族。接山功名夢蕉
鹿。驥足未展先賦鵬。幸有遺孤望桂馥。潯浦好客日徵逐。座中
談論經史熟。才華富有竟無福。植堂無兒天使獨。賴妻養母父
墳築。愧我無財效鮑叔。兆璜老吏勤案牘。公暇吟詩積千軸。屬
我點勘淚盈掬。廿年亡友縈心轂。舊懷積愁已滿斛。更觸新恨

吞聲哭。怡翁閣邑仰梁木。夢奠衣冠早薰沐。鈞天降迓奏靴祝。因憶擴翁神嚴肅。文章法度復郁郁。英才負笈就教育。二老父執見不復。尤痛庭訓思育鞠。伊蒿匪莪徒蓼蓼。我父體謙以自牧。一生敬慎常淵穆。遺子惟有經滿籬。三賢師傳人取淑。春風化雨秋陽暴。泰山北斗海會瀆。志同道合相友睦。鷺湖鹿洞殊朱陸。不憚遺一怨憫覆。從此棗城無校塾。吁嗟乎仰視昊天莫肯穀。猶禱德星降奎宿。

悼亡

歲鞋鎖啟走蚺蟻。已歇餘芳久掩扉。無復當年人對泣。惟餘舊

淚滿牛衣。

蘇敬衡

字蕉鄰。號臥菴。霑化人。樸園公子。道光丙申進士。由編

修。歷官福建按察使。

表兄蕉鄰與余幼同。几視爲文簡。鍊名貴迥異庸庸。而詩不多。作非

所好也。表舅樸園公。殿試一甲第二人。蕉鄰殿試一甲第三人。父子及第。士林豔稱之。丁酉充雲南鄉試副考官。尋放宣化知府。迭升雷瓊道。四川按察使。署布政使。調福建按察使。告養歸里。余與蕉鄰宦轍分途。其政蹟不及周知。然樸園公去官後。宦橐蕭然。蕉鄰歸里。依然儒素。不改家風。其清德固可想見云。

蜀中懷古

自傳巴蜀檄。萬古闢蠶叢。峽水波瀾濶。夔門氣概雄。詩篇懷杜

老。政化慕文翁。憑弔情何限。蒼茫夕照中。

胡方中

字紹洛。利津人。諸生。

擬左太冲詠史八首 鈔一

人生如朝露。皎潔能幾時。威武使之屈。貧賤使之移。衛律甘背主。李陵變於夷。卓哉蘇屬國。漢節終日持。牧羝北海上。遙遙無歸期。廿載留朔漠。皓首回京師。承恩謝丹闕。親故為獻歎。此行亦庸德。世人歎為奇。有恥不辱命。士行本如斯。

高貢齡

字次封。號炳禹。利津人。佩蒼公從孫。道光乙巳進士。由

主事。歷官紹興知府。

君幼與余同硯席。篤志勤學。於時文深造有得。而詩不多作。登第後

供職農部。遞升員外郎中。近二十年無矜躁意。及放外任。已六旬矣。此詩則瀕行留別所作也。

出守紹興。李竹朋太守以詩贈行。賦此奉答。

敢說丹誠矢寸衷。消磨歲月簿書叢。防邊計拙疏籌篋。醫國情深乏藥籠。傀儡登場同夢幻。駑駘效步患途窮。生平俗債酬難了。襤被蒼皇又浙東。

廿年郎署歎勞薪。五馬雙旌笑此身。徒使雪霜侵鬢髮。何曾涓滴答君親。燕雲齊樹牽情易。鑑水稽山墮劫頻。欲起瘡痍無

寶筏指迷還問過來人。

寒窗幾載共書燈。才羨青蓮愧未能。解脫君真離垢佛。遊行我
比打包僧。鼠牙冀化民風厚。雞肋難拋世味增。宦海茫茫容一
問。僊山可否許同登。

樂從蘭室話苔岑。塵網浮沈負夙襟。萬疊雲山千里夢。一樽風
月兩人心。懸車何日拋簪紱。遊岳遑期等向禽。愧乏綵毫酬白
雪。聊將越鳥寫鄉吟。

吳肇暉

字飛卿。號春南。霑化人。蓼坡公從姪。諸生。

山行卽事

落日又西斜。雲山滿目賒。炊烟迷野店。晚權認漁家。落拓悲遊
子。飄零感歲華。歸心何處著。故國指天涯。

張廷珣

字佩東。利津人。麗斗弟。諸生。

追和如園招飲元韻

回首清遊記昔曾。別來孤館獨挑燈。支離癯貌同閒鶴。羈絆名
場似戒僧。杖履追隨慙我嬾。林泉供養讓君能。何年更許登蓬
島。望斷雲山又幾層。

落花

莫羨空中色。須知色是空。花開花自落。何必怨東風。

李硯銘

字石農。利津人。石香從弟。廩貢。官魚臺訓導。

題垂釣圖

雲樹依依四望晴。一竿春水縠紋生。釣徒仍否烟波號。待躡漁莊叩姓名。

趙銘書

字丹忱。利津人。蘊璞子。歲貢。候選。訓導。

春雪

三冬無雪費疑猜。二月瓊霏照眼開。應為春寒花事晚。故教天女散花來。

武定詩續鈔卷十六

利津李佐賢竹朋編輯

張銓

字寅階號翼南利津人齊垣公姪道光乙未進士由主

事官常州知府著愛山堂詩余同年友翼南忠信誠篤

刑部主事游升員外郎中供職十餘年無矜躁意尋放

常州知府署蘇松常鎮道以憂歸遂不出作詩不下千

數百首然不輕示人徵之再三始抄示百餘首猶諳屬

不可多選其謙抑如此平素論詩心折荔裳先生然君

詩古風七律沈著雄健源出盛唐

固未肯寄國初諸老門下也

遊楊氏園亭六首鈔三

朝爽閣

朝看西山雲。暮看西山雨。爽氣挹西山。空翠落庭戶。不見挂笏人。誰作烟霞主。

岸帆

小屋如漁舟。片帆隨岸轉。開門月色深。吹笛雨聲淺。下有千琅玕。目與瀟湘遠。

有竹亭

畫竹吐槎枒。種竹含婀娜。成竹在胸中。我自周旋我。疑是王子猷。否則文與可。

癸巳除夕用東坡餽歲辭歲守歲韻三首

餽歲借晨炊。甘旨紛相佐。古道重鄉鄰。寶之勝奇貨。傷哉冷先生。與此窮措大。平居寡逢迎。除夕但高臥。有客撾門來。寒酸光滿座。但云借酒錢。聊以給春磨。囊空不汝濟。反致重吾過。出我苜蓿盤。與汝親烹和。

薄情莫若歲。臨行不稍遲。豈但不稍遲。一去難再追。有如送遠人。握手水之涯。明知不可留。為歡爭片時。河鯉豈不美。村鷄豈不肥。停杯一長歡。蠟淚同含悲。勸君且無悲。故歲亦宜辭。舍舊而圖新。幸未筋骨衰。

新歲攻舊歲。如鬪內外蛇。內蛇已垂盡。外蛇焉能遮。強欲守國門。寇深當奈何。努力延須臾。心兵聽無譁。危哉崑崙關。幸未鼓三過。鑪火半明滅。燭影紛欹斜。兒童但昏睡。老翁傷蹉跎。以我當其間。餘勇足可誇。

予歸田十年。無所事事。今年六十有四。精神雖不甚憊。而自顧若有不勝其累者。平心察之。乃知予之不自愛者多矣。作養生詩五篇。銘諸座右。庶幾知所變計焉。鈔一

天下本無事。庸人甘自擾。狗苟而蠅營。得失何時了。鴻雁際風雲。刷羽向晴昊。胡爲謀稻粱。儕彼樊籠鳥。天馬來西極。冀北方

矯矯。槽頭一石粟。何至累蹶裹。放眼觀古今。蜉蝣寄昏曉。鼎鼎百年內。爲歡當及早。會當登泰山。一覽乾坤小。

送孫女赴四川官署

月落星以稀。花間鳥喚起。今晨往汝家。遠行從此始。驅馬向黃河。河水何瀾瀾。楊柳正依依。臨風招舟子。舟子亦已來。行行且復止。止亦無所言。但立須臾耳。少小未出門。出門輒萬里。

萬里在何許。乃在青天上。古稱蜀道難。險惡非一狀。危哉瞿塘峽。濤頭如龍象。雲外挽孤舟。日邊破駭浪。遊子淚沾裳。猿聲助悲壯。縱有壯士懷。到此且沮喪。矧茲兒女情。豈復能神旺。神往

於其間未發已惆悵

惆悵亦何有。行看一縣花。顧影蜀江邊。爛漫如雲霞。殷勤奉姑嫜。棠陰問桑麻。寶婦對汝笑。撞女對汝譁。日夕入官舍。汝翁方排衙。錦城大可樂。庶幾不思家。

思家那得免。舉目風景非。丙穴魚雖嘉。何如河鯉肥。蜀錦固燦爛。齊紈更光輝。飛鳥戀舊巢。浮雲戀山扉。他鄉各異縣。那不憶深閨。前期幸不遜。三年當來歸。

來歸雖有期。舉止難自主。阻程有雲山。愆期有風雨。烟塵況未息。道路多豺虎。時會那可必。鄉心或齟齬。東北壯海門。西南發

江渚。地角與天涯。信疑無傳語。嗚徧不如歸。杜鵑聲聲苦。引領望家人。家人亦望汝。念茲發軔初。別兄弟父母。

汝父送汝行。願言回其車。汝母送汝行。願言繫其駒。汝兄送汝行。四顧復躊躇。汝弟送汝行。把袂且牽裾。老夫扶杖立。諳諳語路隅。往哉議酒食。顧盼光門閭。努力加餐飯。兼之慎起居。天邊有鴻雁。江上有雙魚。客路風景好。莫忘數行書。一及春雨後。一及秋風初。

詠雪用東坡禁體。以聲色氣味富貴勢力爲詩八首。鈔詠

能令萬家鮮。又令千山瘦。十色兼五光。等諸繪事後。元黃雜天

武定詩續錄
四
地丹青汙宇宙造物厭紛華一洗乾坤垢

題郭申甫明府出獵圖

今年大有多黍稌田家報賽吹笙竽
虛堂懸鏡一事無城南校獵左右孟
健兒妙選射雕手署間羽箭金僕姑
決雲蒼隼壓錦臂氣凌華嶽摩天衢
彎弓躍馬暇以整八駿一一追風駒
使君長髯美且都貂裘鼠帽紅氍毹
所乘一馬更神駿據鞍顧盼來韓盧
縱發指示一相注猙姿猛相雄萬夫
蹉跎踈踈勇無敵飛攫狡兔批封狐
小狃大兕盡弋獲功狗妙與功人俱
歸途父老扶杖笑田歌十里聽歡呼
我有蝨賊君能遏我有枳棘君能除

吠犬不驚臥蓬戶菴生足下肥而腴
漢家太守君不殊於戲豈但漢家太守君不殊
行見巨公把臂直謁承明廬

渤海太守行送司徒子臨之任

漢家渤海龔太守第一循良古未有
賣劍買牛易其田疇賣刀買犢返而鋤耰
鏡懸於堂民莫敢窺尊設於衢民莫敢私
太守辛苦民知之龔侯一去二千載
道路口碑今尙在誰其嗣之民所愛
我有田廬甘棠之下望杏瞻蒲勸我耕稼
賢哉太守予其迓噫嘻漢家龔侯無時無
君不見司徒太守今來乎

孫怡堂貽書就職廣文大有患貧之意且謂聖人訓人以

不去貧賤。人都不能恪守。而欲別求藥石於良醫。語託滑稽。意殊難堪也。作此荅之。

廣文先生古狷者。家無儋石晏如也。元龍湖海氣不除。豪情勝概時傾瀉。那許庸夫望項背。俯視羣材皆拱把。意氣凌雲出羲皇。文章憎命等屈賈。夙昔青雲壯志灰。蹉跎白髮世情惹。經營寸祿愛微官。苜蓿未嘗口先哆。朝來寄我數行書。淒風苦雨供揮洒。柳州乞巧巧不生。昌黎送窮窮弗舍。古有三疾今更多。貧病紛紛愈者寡。尼山萬古一神醫。聳聳振聵起喑啞。豈但能治狂矜愚。並使重逢唐虞夏。曲肱疏水肘後方。惜哉無人相傳寫。

誰向熱湯下鍼砭。粗瀝冷眼見癥瘕。須知身外卽浮雲。齊物一論殊不假。以指喻指。瘰非指。以馬喻馬。原非馬。爲君再誦逍遙遊。此藥克攻膏之下。

寶盤歌用昌黎石鼓歌韻爲徐傅兼明府賦

徐君好古。曾育癖。秦漢以下無詩歌。三代法物幾搜徧。數典不及金君何。神寒骨重。有商鼎。攝伏魑魅。消兵戈。前承昆吾後邾鄒。字奇不受天風磨。煌煌周盤何處得。球圖陳寶同森羅。星辰上引發光怪。寶鷄山色來嵯峨。銜環八獸類熊虎。鋸牙鉤爪蹲山阿。幽崖黯黯雷雨動。虛堂叱咤神鬼呵。髮竦舌擣一偷眼。八

行燦爛看無訛。高詞那復雜蛟蚪。古篆大變非蟲蚪。憶昔周宣
伐獫狁。出師應兆城門鬪。西京寵錫子白鉞。東山再伐周公柯。
敵愾用錫彤弓宴。織文竊比黃金梭。奏凱軍容自彪炳。退食風
度仍委蛇。烝嘗制器饗祖妣。旂常紀錄光義娥。徐君昔作關右
宰。隨車甘雨何滂沱。陳倉酒樓坐小憩。如聞抱玉泣卞和。道旁
飲馬此盤出。盛水十石方盈科。兩間至寶世罕覩。得此已足遑
求多。雨淋日炙二千載。奚殊荆棘埋銅駝。品題聲價十倍長。風
塵物色千劫過。刻苔剔蘚刮土繡。如治骨角切復磋。蕩以岸山
之怪石。滌以渭水之驚波。載之後車戒軒輅。置之廣廈無偏頗。

石鼓沈淪閱八代。無人收拾何況他。宦囊卽此值千鎰。急裝已
整非姸媿。歸來有盤復有鼎。不妨一日三摩挲。側聞甌粵頗蠢
動。南望銅柱空吟哦。小醜竟敢作蛇豕。大兵豈屑爲鸛鵝。咸豐
天子初御宇。懷柔百神受福那。虎臣矯矯似方召。猛士桓桓
啜亥軻。策勲定出此盤上。行見帶礪盟山河。爲語徐君一神王。
莫因晚景悲蹉跎。

接樹篇贈宗人

吾宗場師神乎神。萬木著手都成春。鞭心老圃四十載。侯封千
戶無等倫。接博花果妙天下。快刀細鋸常隨身。根本枝葉各從

類杏梅桃李。櫟栗榛。二氣交通遂以暢。絕勝嫁樹聯婚姻。自言
木神雖不二。潛移默化存乎人。李代桃僵乃異事。枳從橘化非
前因。青陽司令木德旺。上元甲子咸維新。美以易其惡。寄生邁
種渾不覺。君不見犁牛之子驂且角。絕者使之繼。乞養頗能承
先志。君不見螟蛉之子式穀似。小者使大枯者榮。有如強侯擁
重兵。天王庚庚非大橫。君不見呂易羸。斷者使續不患寡。昔日
十圍今拱把。偏安一隅避華夏。君不見牛易馬。

送王蔭之觀察之任廈門

去年燕市榴花開。擣鞭送我黃金臺。今來花發桃葉渡。送君一

權江南路。江南一別太匆匆。旌旆遙臨十二峯。他日相逢更何
處。今宵且聽晉陵鐘。

九月七日同王蔭之太史孫仙植孝廉赴極樂庵看紅葉

徧遊城西諸寺晚宿山家六首 鈔二

十里城西路。搖鞭興已豪。柳含山角雨。松走寺門濤。落葉黏吟
袖。狂花照曙袍。年來勞案牘。今日是閒曹。

五塔拱 神京登臨趁晚晴。園林動寒色。天地共秋聲。塞遠征
鴻沒。風高鐵馬鳴。振衣千仞上。一笑遠山橫。

郊城晤張玉田廣文

荒齋疏雨過。花鳥倍精神。秋色來何處。他鄉見故人。青氈消歲
月。白髮向風塵。明日江南路。思君涿水濱。

示王薇卿椒庵兄弟

風雨聯牀久。池塘入夢閒。汝才俱大雅。吾道自名山。雄視干戈
後。狂吟海岱間。老夫荒落甚。把卷一開顏。

高念東先生嘗廣東坡勸爾一杯聊復醉人間富貴海茫茫之意為小詞八首予僅見其四首乃更廣之為五律

今古一黃梁。春婆夢不長。蜉蝣寄天地。螻蟻等侯王。何處鳴珂

十首 鈔四

里誰家畫錦堂。一杯聊復醉。富貴海茫茫。

攜手上河梁。悲歌易斷腸。人間羨牛女。天上怨參商。夢醒遼東

鶴。魂歸海上羊。一杯聊復醉。聚散兩茫茫。

燕市風驚筑。牛山淚滿裳。泣纔傳垓下。謳已起高唐。歌吹西陵

樹。悲歡北里觴。一杯聊復醉。哀樂兩茫茫。

寶劍羞鳴匣。神維怕處囊。著鞭爭祖遜。叱馭笑王陽。邁軸乾坤
大。輪躡歲月忙。一杯聊復醉。出處海茫茫。

立秋日李馥泉過訪

一葉下莓苔。蓬門向夕開。秋隨疏雨到。月送故人來。白首風雲

正定詩經
氣青山著作才。吾衰能待汝。萬里上金臺。

九

送李竹朋同年典試西江

攜來玉尺木天中。祭酒聲華惟汝同。

同事者為葉棣如祭酒

鐵網紅雲盤

大海。豫章白日動天風。豐城劍氣雙龍合。永叔文壇萬馬空。才

地如斯須大手。羣英端合受牢籠。

送李竹朋出守臨汀吉履庵出守雲中

翩翩五馬下巖疆。太守風流姓字香。獅子山前春似海。雁門關外月如霜。閩南載鶴清流驛。塞北聽笳古戰場。兩地一麾萬餘里。數聲風笛滿斜陽。

謁吳季子祠

延陵祠宇鎮江關。三代高風起懦頑。寶劍千金帶邱墓。豐碑十字照荆蠻。豈惟吳越春秋最。直在夷齊伯仲間。欲薦谿毛重回首。一渠讓水傍青山。

題高麗中味蓼軒集

一賦蕪城淚不乾。茫茫百感壓征鞍。故鄉戰血吳江冷。客路兵塵蜀道難。南國干戈今已定。朔方日月不勝寒。催歸杜宇聲聲苦。長鋏無魚忍再彈。

曬書

武定詩讀少

卷十六

百城南面擁殘書。展卷臨風走蠹魚。呼婦桑鳩新雨後。將雛林
燕午晴初。揚雄說字人誰問。劉向傳經我不如。海內兵塵難插
腳。一編風雨愛吾廬。

秋興八首

萬家砧杵大河濱。塞雁聲聲聽向晨。南望關山無道路。北來天
地有風塵。橫流偃蹇龜鼉窟。華髮蕭騷蟻蝨臣。蒿目時艱無寸
補。扁舟寂寞一垂綸。

白面談經憶少年。曹南坐穩廣文氈。莊周臺下親魚鳥。單父城
邊聽管絃。一自中州動鞀鼓。遂令河朔有烽烟。宋江又據梁山

道。誰問西湖舊釣船。

一麾曾唱大江秋。攬勝三吳第一樓。十里笙歌迷鶴市。萬家鏗
火醉龍舟。驚濤東注沈京口。殺氣西來滿石頭。鐵甕金陵俱破
碎。可憐自古帝王州。

買權西風問劍池。重遊南國見瘡痍。但愁天塹藏蛇豕。豈謂長
城潰虎羆。六代江山半灰燼。中原戎馬日橫馳。最憐一柱擎天
手。大厦全傾竟不支。

十萬來程黑水洋。鬼方流毒海波揚。咆哮豺虎原南粵。鼉鱷鯨
鼉忽朔方。邊釁縱開韓侂胄。天威猶仗郭汾陽。謂僧王那知一葉

彫零後。又隕津門六月霜。

暮雲北望信如何。一夜樓船滿潞河。風鶴傳聞三輔近。霜鴻哀怨五陵多。幽燕老將誰橫槊。海岱雄才盡荷戈。衰晚祇應臥邱壑。悲秋空自惜蹉跎。

廿年索米在長安。盛事昇平記百端。筐篚九州陳禹貢。衣冠萬國萃周官。雲霞色繞西山出。日月光依北斗看。一臥江湖重回首。瓊樓玉宇不勝寒。

漢家誰是霍嫖姚。夜夜巡檐望斗杓。輦路坐令馳鐵騎。元戎空負賜金貂。三秋雲漢妖星出。一統山河王氣遙。端為杞人憂欲

死。崑崙山更鬱嵒堯。

棗枝詞

竹枝柳枝始於唐南宋葉水心又翔為橘枝詞予因廣其例為棗枝詞。

小麥青青大麥黃。林風吹送棗花香。時當五月好天氣。纂纂歌成不見郎。

交柯連理有天緣。不愛神人不愛仙。但願安期分美棗。伴郎一住三千年。

杜受履

字心蘭濱州人介庵公子道光乙巳進士官桐城知縣
龍泉寺

偶過龍泉院停車任客留長松棲白鶴亂石臥青牛雲氣生禪
室山光入寺樓境逢塵壒外身事兩悠悠

杜受廉

字師竹濱州人文端公姪道光丁酉拔貢咸豐辛亥舉
孝廉方正現官渠縣知縣著竹石山房詩草

署中喜雨有作

乾坤爲甑日爲炭暑氣蒸人如炊爨赤子盡成米汁佛八萬四

千毛孔齊揮汗霹靂一聲塵甑破山樣黑雲空中墮怒龍倒海
翻江來階前雨點如錢大但聞檐溜急於箭風催雨勢雷隨電
頃刻積水三尺流供我濯纓並洗硯西下斜陽東挂虹晚涼更
遇大王風天威一震酷吏去老農歡笑明月中

魯仲連臺懷古吟

有客走馬過齊東荒烟喬木參長空西風獵獵日將下驚看古
蹟羅幽叢攀藤捫葛尋斷碣知是高士遺孤蹤高士伊誰魯仲
連當年談笑櫻秦鋒虎狼氣惡邯鄲困平原公子愁填胸何物
將軍大梁來謀將帝號歸關中先生一掉三寸舌紛紛豎子醒

昏聩秦軍聞之遠避舍。片言救趙真奇功。功成不受好爵縻。渺視千金如斷蓬。擺脫塵網飄然去。渾如鷹隼凌蒼穹。不蹈海死蹈海生。於今百世懸清風。丈夫生當爲世用。受人羈絆終庸庸。吁嗟乎漢之淮陰亦有臺。可憐烏盡藏良弓。卽如矯矯嚴子陵。其臺非不高且崇。生平濟世無半策。徒然大澤垂釣翁。先生不仕復不隱。風流裘帶何輕鬆。泰山之石滄海水。高標如在常沖沖。

過清灘

未至清灘十里遙。風聲雨聲如海潮。地軸欲陷天瓢搖。衝波逆

折疾雷吼。一江碎石大於斗。瀾驚濤怒石亂走。估客搖手不敢言。老蛟跳波飢鼉翻。浪花百丈舟簸掀。須臾牽纜上古渡。不繫釣磯繫野樹。迢迢沙岸識平路。

渡黃河

大河流日夜。一葦溯津涯。水立城低壘。風高旆捲沙。荒亭招去鶴。落日數歸鴉。九曲源頭遠。誰乘漢使槎。

夜宿寺中

寂寂蓮花藏。焚香午夜時。鐙昏幢影暗。雲護磬聲遲。殿角星河近。禪心水月知。何當息塵轍。重過問湯師。

早發觀音壩

苔磴天將曙。迢迢萬仞梯。荒村時過鹿。野店不聞鷄。袖染霜華重。山銜月影低。鄉關人未起。遠夢蜀江西。

步王春帆元旦試筆原韻

爆竹如雷又報春。滿城簫鼓慶佳辰。瓶中柏葉雙枝活。窗裏梅花數點新。燈火闌珊將進酒。兒童歡舞慣依人。分陰時爲陶公惜。莫負年華八尺身。

重九偕張子威登茅焦臺至龍泉寺小飲

海角天高霜氣深。荒臺終古枕城陰。西風衰柳多鴉噪。積水殘

蘆有雁音。破寺蒼涼誰載酒。孤村寥落不聞砧。歸來醉把黃花問。塵世何人是素心。

夜泊葉灘

枕上灘聲夢不成。孤舟野泊旅魂驚。波光直下黃牛峽。山色遙連白帝城。照水星河天一握。隔江鐘鼓夜三更。鄉愁萬里憑誰語。坐待峯頭曉月明。

山行卽景

竹輿三面倚人扶。身入層霄似畫圖。幾樹綠禽巢翡翠。滿山紅豆結珊瑚。樓陰臨水寒疑動。石鏡穿雲細欲無。回首梯田千萬

填峯腰澗底碧於湖

長江早眺

山色古今碧。波聲日夜流。鄉心逐江水。直到海東頭。

暮秋遊大明湖

孤亭寂寂水迢迢。雲影天光互動搖。欲泊扁舟湖上宿。蘆花風起暮生潮。

秋日過王漁洋先生秋柳園

楊柳烟籠十里湖。名園人去久荒蕪。騷壇風雅知何處。門巷淒涼賣酒壚。

除夕

穉孫在抱捋吟髭。剛是屠蘇飲醉時。爆竹聲稀爾宜睡。明朝隨我拜先祠。

登城有感

故園音信渺天涯。滄海西流日又斜。獨立荒城秋色晚。山雲起處亂飛鴉。

過荊州

英雄割劇幾經秋。渺渺長江不盡流。無限感今懷古意。冷風寒雨過荊州。

川江有感

山頭村落繞松杉。山下飛泉走片帆。山裏安閒山外險。人間卽此判仙凡。

杜翰

字鴻舉。號繼園。濱州人。建屏公孫文正公本生子道光

甲辰進士。由檢討官至工部左侍郎。繼園表兄。闕名

性孝友。接物和平。由廩生中道光乙未北榜舉人。甲辰進士。改庶吉士。授檢討。癸丑超升庶子。迭升閣學。工部侍郎。歷充湖北學政。殿試讀卷官。文淵閣直閣事。軍機大臣。己未會試副總裁。同治壬戌。因事去位。君詩志和音雅。肖其為人。而謙抑不肯示人。此三首則附見筠巢詩稿中者。並存之。

滄州遇雨

斜風細雨捲征旒。草色青青送馬蹏。宿麥暗抽添繡隴。平林似翦護遙隄。凌霄雁字書難整。隔水漁家望欲迷。正是清明好時節。詩情無限畫橋西。

述懷

年來壯志盡銷磨。宦興浮雲薄似羅。佳句每從愁裏得。良辰半是客中過。事如春夢曹騰去。人至中年感慨多。行樂及時偕妹弟。白頭歲月易蹉跎。

青縣晤張子靜表弟

思君不見每傷神。客裏相逢意倍親。楚水燕山迷舊夢。蘭言竹
笑洽天真。官求祿養何須貴。仕為學優不厭貧。分袂匆匆期後
會。落花時節共留春。

杜 翻

字漢升。號筠巢。濱州人文正公子。道光乙未進士。由編

修官至戶部右侍郎。著運甓吟草。按君於成進士後改庶常習。國書散館。

授編修。歷升贊善。司業。洗馬。侍講。庶子。侍講。侍讀。學士。少詹詹事。內閣學士。兵部右侍郎。禮部右侍郎。戶部右侍郎。歷充庚子會試同考官。己酉江南鄉試副考官。壬子會試副總裁。國史館纂修總纂。提調。咸豐十年丁憂。去位。尋放山東團練大臣。事後回京。又二年以疾卒。年五十有八。余與君為同年友。故知君最悉。其賦性明。

敏遇事能斷。天才有過人者。然生前未嘗以詩示余也。今讀其遺集。如對故人。所可異者。君席豐履厚。一生皆順境。而詩多商音。何也。安得起九原而問之。

喜雨嘉蔭堂讌集

依時好雨萬金抵。大澤滂沱盈有瀾。渠渠夏屋生秋寒。一院槐
陰清似水。苔岑夙契兩三人。有酒盈樽清且旨。相逢盡是高陽
徒。榻來酒軍開壁壘。豪飲長驅卷白波。吞海吸川差可擬。聞說
今年節候遲。十日不雨苗枯死。沛然甘澍徧郊坰。優渥霑足禾
盡起。野老披蓑走相呼。歲其有自今伊始。我聞茲語笑顏開。亦
名吾亭以誌喜。時余築室甫落成。一斗一石未足酬。醉人為瑞徵前史。

山公酩酊倒載歸。坡老軟飽黑甜裏。買田種秫營糟邱。吾將老於是鄉矣。

竹朋外兄邀集寓齋卽事

乘時好雨喜連夕。五月秋寒生枕席。曉日曛曩晴亦佳。門前積

滂礙泛宅。門前積雨如河主人豪興張高筵。開樽還需不速客。張顛狂

醉趣橫生。高唱遏雲我浮白。時舟每歌一曲。屬余飲一巨杯。白面王郎已鬢華。

巨觥引滿泛流霞。蘭洲雅量善飲。康駢莫賦謫仙怨。唐康駢有雅擅靈

鼓拍紅牙。子錫喜度曲擅鼓板。思鄉便歌望鄉曲。一闕聲清鳳雛誇。時舟

峻甫歌望鄉一曲。龍笛啁啾雜絃索。清平調合屬東家。主人工音律善絲竹。聞煞

玉鏡臺前客。琴舫不解歌亦不能飲時正謀膠續。雋才爭羨温八叉。牧之尋春嗟

遲暮。惆悵臨風懷玉樹。余時意有所懷。樽酒不空樂及時。青年無幾朱

顏故。拌教大嚼撐腹腸。一斗一石不須量。願得平原十日醉。誰

將魯戈揮夕陽。

恭送康慈皇后奉安山陵駐黃新莊感賦

黃新莊畔幾回經。余於庚戌辛亥壬子等歲屢隨扈至西陵。依舊迎人柳眼青。余

住此必於柳樹下。五夜霜華濃似雪。千家燈火密於星。不遑將母嗟行

役。慈親感疾未愈。重使思親感過庭。庚戌壬子皆侍先公同行。西望橋山隣咫尺。

深恩未報涕先零。

秋雨有感

盡日沈陰宿雨濃。空庭冷霧鎖重重。淒迷秋草可憐色。憔悴名
花絕世容。老態支離如病鶴。苦吟哀怨似寒蛩。不堪更問桃源
路。夢斷劉郎五夜鐘。

元旦次日病中卽事

朝來春信到梅邊。是日立春乍暖猶寒釀雪天。拋卻椒盤孤冷節。相
隨藥裏度新年。半生事冷都如夢。久病心灰欲學禪。似鐵布衾
眠不得。挑燈兀坐聳吟肩。

春暮感懷

九十韶光廿四風。一年花事太匆匆。閒情無著隨飛絮。舊夢難
尋似斷蓬。老去懶於不舞鶴。生來癡絕可憐蟲。綠陰滿地清如
水。愁見奚奴掃落紅。

老拙

老拙情懷不自支。才思疲鈍似兒癡。非時寒燠身先覺。應世機
宜事後知。強醉傾餘竹葉酒。苦吟撚斷雪花髭。莫求徐福神仙
藥。返樸完真是我師。

對月

楓葉蘆花正暮秋。難爲情處獨登樓。可憐惟有長安月。千里依

依照客愁

澄懷園雜憶

院宇沈沈宿雨收。風宜清夜露宜秋。分明圖畫斜陽外。卍字闌

干丁字樓。近光樓

心清如水日如年。到此真疑別有天。吟罷少陵詩一卷。閒亭小

立聽鳴蟬

惜春詞

漫誇萬紫與千紅。妒煞石尤昨夜風。無計留春送春去。看花時

節太匆匆

卻怪風流杜牧之。尋春底事故來遲。闌干倚徧渾無著。繚亂東風惱鬢絲。

杜宇聲聲不住嘯。春歸夢醒兩淒迷。依人剩有雕梁燕。庭院淒

涼對月栖

張衍壽

字子靜號祝巖海豐人始園公子道光庚子副貢官唐

山知縣子靜內弟能文兼工鐵筆屢蹟文闈而恬淡無矜躁意歷署深澤唐山知縣現以憂歸里

和淵明飲酒

我本不勝飲。頗解酒中味。獨酌三兩杯。陶然亦已醉。扶策過鄰

家鄰翁在家未稚子啟柴關云在花間睡步履去橋西樹根坐
小憩谿水無定流白雲了無累

昭烈帝故里

鹿失羣雄逐中原大合圍孫曹方虎踞巴蜀已龍飛天意偏安
限人心正統歸至今傳故里泐石向斜暉

望盤山

指點最高峯相迎過客蹤雲深惟見塔山遠不聞鐘入望無千
里排空矗萬重蒼松環繞處一朵碧芙蓉

早行

雞唱起登程沿隄凍有聲風刀迎面利冰筋綴鬚明野曠人蹤
少天低夜氣清馬頭瞻曙色喜見日東生

赴安州

到牖停車馬循隄上短篷半篙瓜蔓水一路藕花風薄命輕於
葉浮蹤轉似蓬夜深何處泊細雨正濛濛

淡芭菰

烟雲靄鬱氣芬芳嘉種誰移自瀋陽薄醉情懷如中酒消閒事
業似焚香離人夢斷愁難遣騷客詩成意正長最好他鄉逢舊
雨西窗翦燭試分嘗

武定詩續鈔卷十七
 利津李佐賢竹朋編輯
 吳重周
 字長飴海豐人子苾子諸生 恩蔭通判加同知銜家君
 乘敦行孝弟恤睦族鄰讀書不倦晚年復首倡義
 舉修築城圍防衛鄉閭咸推厚德內外無間言
 雜述 鈔二
 璠璣不獲售。究與頑石殊。况茲席上珍。安得混砭珉。古來懷瑾
 客。待賈求善沽。居奇並自炫。直堪儕販夫。清真本吾守。詎為世
 俗誣。白圭縱有瑕。終不掩其瑜。置之不成器。何異觚不觚。嗟哉

武定詩續鈔卷十七

利津李佐賢竹朋編輯

吳重周

字長飴海豐人子苾子諸生 恩蔭通判加同知銜家君

乘敦行孝弟恤睦族鄰讀書不倦晚年復首倡義

舉修築城圍防衛鄉閭咸推厚德內外無間言

雜述 鈔二

璠璣不獲售。究與頑石殊。况茲席上珍。安得混砭珉。古來懷瑾

客。待賈求善沽。居奇並自炫。直堪儕販夫。清真本吾守。詎為世

俗誣。白圭縱有瑕。終不掩其瑜。置之不成器。何異觚不觚。嗟哉



卞氏子抱璧常向隅。

桃李豔於春。叢桂茂於秋。閱時減顏色。亦與凡卉儔。智慧須乘時。君子固藏修。時哉不可失。感此心煩憂。

采蓮曲

隨趣入花深。花深不見艇。怯將波影搖。恐觸鴛夢醒。

古意

物無一定材。在各適其用。有用不用失其時。為惜流光不我共。嗚呼。干將莫邪韞積藏。不如棄之置路旁。路旁或有人取將。

天柱灘

奔流撼石石激水。兩不相下勢相抵。渾疑地軸忽掀翻。奇峯齊落碧潭裏。屹然立者如蹲鴟。繚而曲者如列雉。棋布星羅繪陣圖。龍虎鳥蛇排戰壘。怒濤奪勢得間出。忽橫忽縱逞譎詭。春深暴漲迅莫當。隆冬水涸石硯礪。篙工素稱好身手。到此意怯靡施技。後船猶望前船高。前船已苦嚙石止。前者強挽後者推。聲嘶力盡船不起。舟人計絀怨途艱。旅客神蹙憂行李。吁嗟乎。安得一激祖龍怒。鞭盡嶮巖淨如砥。波恬浪靜了無驚。鷁首過飛任所指。不然大地皆成灘。征人遙望急停趾。舟車不利尼其行。從此無嗟別離矣。

英雄得快志。借箸前席決時事。英雄不自由。著書閉戶安窮愁。
余君瀟灑世達士。去住一官猶傲屣。北窗嘯傲輕王侯。坐擁書
城過百雉。唱酬已富蘭陵篇。傳抄復貴洛陽紙。猶道瑯嬛尙書
多。遠搜旁搜苦未已。不將腹笥矜便便。補讀恨不先十年。追求
善本辨真贗。珊瑚網盡珍珠船。更意搜奇須大索。郵筒千里飛
華笺。道逢側跨一甌酒。問我奇書更何有。此事休嗟吾不廉。到
處敢煩君假手。我告風濤海上惡。軍書漶漫符分割。飛札還虞
借寇來。毋抱殘編歎不偶。先生持卷曠無言。俯首咿唔疾避走。

題余小霞借書圖

澆胸且使礪魄消。俟我吟酣引一斗。

桃源洞

犖犖确确山谷深。鬱鬱蔥蔥修竹林。石磴蜿蜒蛇行迹。老松倒
挂猿愁音。攀藤附葛路直上。危欹仄徑青霞侵。我來孤亭畧小
憩。一泓澄碧清人心。飛泉懸注挹素練。泠泠欲奏花間琴。巖草
披離結赤實。石楠冷翠交重陰。淵明忽作出塵想。桃源一記名
古今。秦人避世世果避。雲中雞犬何由尋。

新莊途次

一徑參天去。人行碧靄分。林懸將落日。山礙欲歸雲。澗水穿橋

去田歌隔浦聞。東蒙回首處。薄暮思紛紛。

花朝日作

屈指春剛半。閒居閱歲華。已生三徑草。猶禁一闌花。嬾是耽吟
慣。豪因戒飲差。曉看新種竹。露重一枝斜。

大魚厓遇雨

雲氣黏山暗。驅車陟嶺隈。路衝峯直上。風逼雨橫來。樹色明飛
電。谿聲咽怒雷。驚心過絕險。不敢首重回。

答張子靜

一櫂烟波裏。離愁並水生。江湖遲歲暮。吳越數歸程。飽看名山

去。欣攜舊雨行。

時與蘇墨卿同舟

動人鄉思處。秋雁櫓聲聲。

柳江荒徼外。離水一枝分。龍壁朝含雨。魚峯夕納雲。遺文懷子
厚。漬酒酌劉蕡。瀟灑衙齋裏。熏香且貯芸。

聞說瀟湘水。君曾賦昔遊。言尋京國夢。擬上洞庭舟。丹桂邀同
籍。紅茱恰泛甌。梓桑聯舊社。重話岳陽秋。

沙陽遇風

曲折湘流湧。奔湍勢莫當。霞光蒸日赤。沙氣入雲黃。洲草時浮
沒。漁磯半露藏。平生冒危險。頃刻亦滄桑。

夏夜納涼

半畝蒼藤蔭微涼散滿庭階除分淺碧几硯暈餘青葉密常疑
雨陰疏有漏星閒將羅扇擲熠燿數流螢

八月十四夜玩月

風掃晴空靜碧烟開簾喜見月娟娟人心已覺經年別天意偏
遲此夕圓一葉影虛莫莢數十分香釀桂花妍來宵更約尋幽
賞水調重歌泛酒船

明湖雜詠

一湖秋色半湖烟艣唱漁歌落照邊最好鵲華橋畔路柳陰一
帶客呼船

滙泉寺繞水爲鄉菰葉風搖薜荔香一磬清聲飛不度芙蓉三
面界紅牆

泊張德港風雨將至

稻花隴畔雨絲垂蓼葉渚邊風倒吹舟子疾聲喚無渡墨雲壓
岸夕陽頽

題盧生祠

豈獨頑癡不羨仙縱求仙術亦無緣黃梁熟否休相問幸藉階
頭一醉眠

琴書檢點理歸鞍回首春明夢亦闌寄語知交如念我斜風細

雨過邯鄲

張衍重

字子威海豐人我園公子道光辛丑進士由編修官至

饒州知府

子威內弟以道光辛丑捷南宮優遊館閣十餘年咸豐壬子充貴州鄉試正考官癸丑

簡放汀州知府署興化知府丁外艱服闋放饒州知府又丁內艱歸里旋卒正服官之年未竟其用士論惜之

簡揚界仙表叔

自來曠達人愛菊兼愛酒況復值嚴寒慰藉仗紅友我獨苦內熱禁方常繫肘迫冬轉益甚涓滴艱人口坐使對名花長覺呼負負蒙君復贈菊盆益致下走深冬尚未殘鼻觀香可受昔人

亦有言良朋貴耐久儻不謀一醉毋乃傷雅否趨童巫行沽宿戒破枷杻請君策杖過共為此花壽我雖非大戶亦從酒入後君能飲一石我當引一斗

再簡楊界仙

祇可使食無肉不可使室無菊先生高致儷淵明滿園爛漫如甘谷花亦似酬主人知別開異種爭馥郁比擬駢生菓彷彿連理木時菊開並蒂乃知嗜好通神明花神亦為致花福執酒為君賀鄙言請君錄世間瑰奇屬公器非為一人慰幽獨請約三章法如子猷看竹但攜濁醪來便與葛巾漉儻使狂折恣蹂躪此客

亟當惡聲逐。更有無厭請。君勿嫌其瀆。事如荊州借。要以歸趙。速開殘台浦。珠當還。一盆兩盜乞。非驥。

題明王忠簡公祠

忠簡大名留齊魯。臣節克完臣心苦。豈拌一死報深恩。伏草流涕難悟主。至今遺像共仰瞻。生氣凜然動眉宇。嗚呼尚書廟食自千古。誰酌裕陵一抔土。

沅江舟中

沅水扁舟下。乘流亦快哉。山移沙岸轉。篙急石灘來。槿葉經霜豔。椀花冒冷開。長安五千里。東望一徘徊。

大城道中

漸看暝色入微茫。沙轍迂迴客路長。場圃地平餘積雪。村墟牆矮上斜陽。鴉翻遠樹寒爭噪。犬守疏籬凍欲僵。歷鹿雙輪馳未已。似聞鈴語太郎當。

戲效玉臺體

離離紅豆種相思。莫把側生折荔支。千里夢魂飛絮繞。一春情緒落花知。明璫雙結連環珮。金縷交縈不斷絲。杜宇一聲芳草歇。白雲西去水東馳。

兩津河

風定波光靜不搖。拍隄秋漲碧痕銷。鄰鄰一片明如鏡。照見騎驢人過橋。

望碣石

一髮貼天點黛螺。元圭曾此奠洪波。周移漢決無良策。那向荒墟覓九河。

張衍度

字子貞海豐人。我園公子道光己酉拔貢。現官直隸候補知縣。

歲暮歸里

陶令歸來近歲除。鄉園暫此賦懸車。舊廬僅闢三弓地。世業惟存滿架書。有子人稱家有彘。無錢我歎食無魚。吾宗累代清貧慣。兩字平安樂莫如。

畫墨菊秋卉並題

茅檐清寂似山村。地僻何勞客到門。鎮日蕭閒無個事。自將淡墨寫秋痕。

王榮第

字甲文號雲楣樂陵人。萼樓公子道光乙巳進士。由編修官至河南按察使。李蘭孫侍郎王公墓志公由編修遷河南道御史轉京畿道所在必

正定詩續錄
舉其職上封事十餘皆焚其稿歷升河南歸德府知府
彰衛懷道河南按察使署布政使方公之守歸德也逆
匪撲城下居民大恐公集團諭之曰與城存亡舍效死
無他策能從我固守乎皆踴躍以應乃率眾登陴巡察
不少休夜募勇士縋城斫賊營凡旬餘賊不得逞引去
又以城隍久失修首出俸金葺之十餘年捻匪肆擾歸
德卒無恙者
公之力為多

和晉源姪韻時重陽甫過

陶令歸來憶去年。黃花與我卻無緣。秋容冷淡人消瘦。惆悵西
風白露天。

堪羨登高作賦才。詩筒啟處笑顏開。珠璣滿紙琳瑯富。知是阿
咸疊韻來。

崔鍾芳

字蔭海。利津人。歲貢。

口占

攬鏡驚霜鬢。年華已六旬。家風仍故我。身世自閒人。口默防叢
過。心清不厭貧。吟詩兼把酒。謝卻世間塵。

冬夜與麟紱生共話藉以書懷

暮鐘聽罷晚霜天。頓覺光陰等逝川。萬事不成惟縱酒。一年將
盡只無錢。思量舊夢空樓閣。諷咏新詩當管絃。偶與故人通夕
話。青燈挑盡不成眠。

王毓琪

字樹彤。號少林海豐人。小華公子。道光丁酉優貢。官范縣訓導。著春祺堂雜吟錄。

赤壁懷古

赤壁楚江頭。坡仙記雅遊。烟波尋勝地。風月託孤舟。好夢橫空鶴。閒情逐浪鷗。新詞一憑弔。千古付東流。

裴岱峯

字云亭。利津人。道光甲午舉人。官朝城教諭。著耐軒詩草。

輓李若甫先生

先生諱文綬。任陽穀教諭。城陷殉節於大成殿側。直當城池守。宮牆萬仞餘。原承天子命。况近聖人居。大節身能盡。平生志豈虛。丹心杼一寸。端不負詩書。

題畫

濃晴淡雨畫秋山。一縷寒烟鎖翠鬟。客徑迴環紅樹外。僧樓隱約白雲間。泉歸碧磴穿成漏。石點蒼苔老作斑。自有茅編三兩舍。柴門畧掩不曾關。

浮雲

傳神縹緲有無間。一片晴空任往還。笑爾出山難作雨。身閒何不
不早歸山。

羅同文

字書堂。利津人。諸生。

海棠

誰將金屋貯紅妝。斜倚闌干睡味長。一檻東風春有夢。滿廊明
月夜無霜。圍來錦帳常含笑。聘到梅花好送香。自是詩人輕月
且。何嘗仙藥不芬芳。

喜雨

占雲課雨最關情。震霖欣從入夜生。最是芭蕉偏解事。隔窗頻
送一聲聲。

訪友

一徑苔荒綠樹遮。書聲隱隱隔桑麻。斜陽未落柴關掩。半面疏
籬綴豆花。

李星房

字心堂。利津人。石農族弟。同治甲子舉人。

陽穀教諭李若甫表叔殉難哀詞

妖星十丈橫機槍。西南徧掃及東方。東方如入無人境。狼奔豕

武定詩續金
突勢披猖。南北將帥統三軍。熊羆士卒集如雲。殲魁禦侮伊誰
事。不意殺身成仁。乃屬此廣文。廣文先生志節奇。逆勢方張已
不移。方逆匪初起。卽志在殉節。有書寄里。食祿效忠吾輩事。爭奈官卑力不支。兵
權儻使得假手。奚論大逆與小醜。掃除妖氛指顧間。功奏蕩平
垂不朽。何至急迫以身殉。冒此矢石與白刃。聞道仰面死猶生。
凶逆亦知歎忠盡。盡節時賊亦知敬。惡耗傳來驚不已。繼而思之悲且
喜。職微祿薄志節高。忠烈洵屬奇男子。嗚呼臣節不可污。舍生
取義有是夫。高爵厚祿慚當途。死得其死死可取。忠魂一縷炳
千古。豈止聲名標齊魯。

別蓬萊葛秀先穎之

歷下相逢慰湖遊。離樽瞬把又深秋。窮通有數盤中子。聚散無
常水上漚。肯向風塵趨捷徑。須防霜露透征裘。三生果許緣重
結。攜手蓬萊最上頭。

觀內子遺墨傷懷

作者已云亡。空餘翰墨香。何如丁不讎。省我屢迴腸。

王裕垣

字星門。濱州人。采軒公從孫。歲貢。著玉鮒山房詩稿。

晴川午眺

晴川書所見。亭午水波明。舟疾驅山走。雲遲礙日行。石苔分草色。岸竹聚風聲。此是尋幽處。從來世莫爭。

京華十憶 鈔二

京華堪憶處。最憶是三秋。酒友晴開社。詩人夜倚樓。文闈才共聚。廣廈士全收。縱有青雲志。何須捷徑求。

京華堪憶處。最憶是年終。賒酒還邀客。修文欲送窮。圍鑪燈影下。爆竹漏聲中。談笑迎新歲。他鄉自不同。

和盧芸閣廣陵舊遊元韻

春風一櫂下揚州。十里鶯花記舊遊。只恐吟腰消瘦甚。綠楊城

郭嬾回頭

又和金陵舊遊元韻

月下清歌花下罇。露荷風柳總銷魂。望穿十里秦淮水。可浣青衫舊酒痕。

王貴農

字嵩陽。樂陵人。咸豐乙卯優貢。候選訓導。著綠筠山房

詩

禪意

空山寂歷杳無人。蹤花自灼灼。水自淙淙。有鶴而飛。有虬而伏。

泉滴巖崖。雪滿松竹。古岫雲出。舒卷太虛。幽谷風至。葉脫林於。乘興而行。興盡則止。非色非空。性真如此。

趙家洪

沙際泊連舸。日暮寒烟鎖。四望無居民。亂石互磊砢。捲水風入衣。溼如雲氣裹。把酒試推篷。遠岸明漁火。涼月出東山。浩歌忘坎軻。

王崇化

字賡南。利津人。諸生。

燕京秋日雜感八首 鈔二

蒼茫遺蹟認京華。喬木荒祠晚噪鴉。幾處碑殘蒙古字。三邊塞汨戰場沙。盧龍敲月驚寒杵。牧馬嘶風雜暮笳。聽說梳妝臺尚在。淒涼一片暮雲遮。

幽都自古帝王州。多少英雄感壯遊。珠珞寶幢前代寺。哀絃豪竹昔年樓。西山日落空懷古。北塞風高易感秋。落拓長安容嘯傲。黃金肝膽向誰酬。

漱潤齋雅集分題得聽月

丁丁伐斧憶吳剛。桂子風飄韻亦香。豈是人間歌水調。料應天上奏霓裳。金鈎響處簾波碎。玉杵敲時漏點長。貪聳吟肩階畔

立。卻忘涼露滴琴牀。

趙維畬

字余田。利津人。子英子。廩貢。

余田表姪。懷才不遇。中年棄帖括業。肆力於詩古文。辭可謂好學不倦者。詩抄之輯代為蒐羅。散失並時參互考訂。疑義與析。其有功於斯編者不少也。

曉行卽景

遙聞雞犬聲。人家住何處。曉霧迷前村。微茫辨烟樹。冬雪半未消。春風暗已度。冷趣動幽情。賞心隨處遇。

感寓五首 鈔三

聖人利天下。末世競錐刀。三代無苛政。秦令如牛毛。法令日以滋。

民俗日以澆。御宇有妙術。道齊慎所操。無為臻上理。彼昏徒自勞。

俗士競富貴。達者慕神仙。恃才誇慧業。成佛期升天。詎知遺倫理。大道不與焉。旌陽許真人。忠孝要其全。睠彼媵修子。無第事汞鉛。

世德誦清芬。薄植懼弗勝。胡為竟日坐。憧憧百慮營。案有插架書。糟粕遺精英。散步聊適意。攜卷就南榮。曠觀天地象。靜參古今情。心不撓物累。庶幾遂吾生。

夏夜玩月

書長鬱炎蒸。延涼乘夜景。長空月舒波。林際散清影。對之發浩歌。歌辭成俄頃。奚煩玉笋飛。幽趣已以領。

古意四首 鈔一

入海不畏龍。登山不畏虎。縛虎更屠龍。不如守鄉土。

為友人題畫

昔年夢到羅浮頂。千樹梅開香萬頃。美人促我補離騷。清豔無雙留夢影。覽君畫本花滿枝。髣髴入夢呈奇姿。吮毫覓我夢中句。問道梅花知不知。

贈高奉南鳳岡六齋昆季

絕代佳公子。翩翩正妙年。騷情花照水。詩夢草含烟。醉我非關酒。思君不礙禪。報章何久缺。心印月常圓。

無題二首

怕遣新詞唱惱公。鷓鴣絃誰為按疏桐。峯迷巫峽難成雨。舟近神山卻引風。洞口花紅暝阮肇。天涯草碧感文通。三春過眼渾無賴。脫絮時光任轉蓬。

支枕時驚鳩鳥嘯。捲簾偏值雨淒淒。狐疑問卜香煩蕪。狼藉堆書筆。嬾題宋玉牆東花並蒂。莫愁堂上燕雙栖。詩人記載都陳迹。集訂金荃莫浪攜。

梨花

憐他春色太伶俜。折取梨花插膽瓶。恰似玉人臨皓夜。歌聲輕按玉瓏玲。

秋柳

縱無風雨也銷魂。可奈山城又水村。老去漁洋詩社冷。依然憔悴晚烟痕。

秋槐

蟬聲斷續晚涼過。一片清陰小院多。若使熱中人解釋。應無塵夢到南柯。

韓節忠

字希蘄。號紅葉。濱州人。

燕京誌感

千里迢迢路。皇都策馬來。春風三殿近。曉月九門開。空抱題橋願。慚無報國才。時平身未遇。慷慨且銜杯。

吳笠晉

霑化人。括園公子。諸生。

資福寺夜坐

松風吹夜涼。月出人寂靜。一一木魚聲。令我發深省。真如誰會。

得閒雲淡無影。松根自盤桓。斗覺禪心定。

讀韋蘇州詩

一雨洗百慮。澹遠山中客。空翠滴無聲。苔徑嵐光積。欲取鳴琴彈。滿林風策策。

閒夕

一簾月影來。數重花陰護。薄暑化作烟。新涼皆成露。偶向花陰憩。閒隨月影步。冷然風滿衣。方知秋在樹。

烈女詞

姓王氏甯津人。許同邑張氏。未嫁而夫亡。葬之日。女捐

身入穴以殉。

未宦而事韓。子房真無侶。同此忠烈心。忽聞在處女。不識夫容儀。捐軀同穴許。奇哉生入壙。舅姑莫能阻。烈烈風雲慘。鬼泣神亦語。古今多須眉。偷生何似鼠。

平山堂

風雪冽冽雁南翔。孤艇北下過維揚。紅橋烟月皆寂寞。訪古先躡綠楊城郭傳漁洋。大雅去今百年久。放懷弔古多慨慷。吳王隋帝行樂處。美人塵土花草荒。倏忽白衣成蒼狗。憑誰指點論

興亡。此堂矗立自終古。騷人墨客題錦章。半載作客不稱意。惟逢山水恣相羊。且沽樽酒看玉戲。蕭晨粉墨原擅長。爲我寫圖悲行旅。陽關再疊淚沾裳。雪晴雲散風色紫。殘霞一抹天蒼涼。

雨夜

屋角天如墨。涼生館舍清。孤鐙聽夜雨。百感入秋聲。詩盡情難寫。宵長夢未成。試將雙劍舞。窗外又雞鳴。

宿龍洞

山邃眞皇古。到來人迹稀。泉隨疏磬響。雲共老僧歸。靜坐聞天籟。開軒待月輝。詩情頻逗起。螢火夜深飛。

秋柳

涼月西風水閣頭。幾人哀怨唱涼州。離亭黃葉一樽酒。往事何堪問莫愁。

黃葉颼颼白板橋。不聽羌笛也魂銷。千年嗚咽隋隄水。明月三更怨六朝。

范蓬祁

字小京。號雲樵。霑化人。退軒公子。增貢官。光祿寺署正。寄始元叔父川中。

輕塵不礙甌中生。自古難留循吏名。底事貧惟君子固。萊蕪原

是舊家聲。

錦江波浪與山齊。萬里風帆路欲迷。如羨桃源春水穩。故鄉卻
是武陵谿。

王芸封

字建齋。利津人。諸生。

明湖卽事

興來買權不論錢。湖上烟波結夙緣。正是斜陽無限好。白蘋花
下放歌船。

周國楨

字榦亭。利津人。諸生。

折柳

幾番攀折若爲情。柳色青青折更生。仍舊別離難縮住。灞橋何
事苦留行。

武定詩續鈔卷十八

利津李佐賢竹朋編輯

王繩曾

字子武濱州人。价人公子。增貢官。魚臺訓導。著子武詩

鈔。子武昔假館。歷下。余亦膺濟南講席。時相過。從且家
居相距僅六十里。間得會晤。情誼款洽。然不知其工
詩也。近因余有郡。詩續鈔之役。寄到詩草一冊。捧讀再
四。各體俱佳。而七古尤為擅長。沈鬱頓挫。健筆縱橫。時
露奇氣。是寢饋古大家而深造有得者。方感昔年之於
子武。未免交臂失之也。夫以近在目前之人。而猶未深
知。然則窮鄉僻壤。續學無聞者。其湮沒可勝道哉。此續鈔所以不容已也。

送春詞

正定詩續錄
花飛有意紅。鳥轉無情碧。客裏送殘春。春歸先於客。歸去載雲
旗。餞之以春酒。畢竟年年來。何如常相守。芳草徧天涯。不見春
歸處。惟有楊白花。淡搖斜陽去。桃花不重開。怕臨桃葉渡。空餘
子規嘯。烟暝相思樹。

月夜到家

秋色明珠霞。暝烟倏以起。華月破雲來。疾驅三十里。輾轉纔夢
中。鄉音已在耳。到門月隨入。籬花影搖紫。暫別無所苦。小聚亦
堪喜。寄生天地間。離合悲歡爾。舊醅足斟酌。園蓄當甘旨。一堂
有餘歡。人生斯可矣。

度硤石用高樺菴世丈原韻示怡堂宋生

風雨度花朝。初吉卽行邁。擬觀華岳來。雲光洗眼界。隨山入函
谷。峯峯鬪奇怪。硤石尤奇絕。石徑陡而隘。根露老樹懸。路欲崩
石壤。下臨不測淵。難守垂堂戒。有時陟峯巔。河源折九派。隱隱
見平疇。未至心先快。卽此悟修途。讀書如讀畫。險阻寓康莊。努
力功無懈。

小春望日紀夢用家惕厓學博夜坐韻

清夢夢遊仙。捫蘿梯雲上。松翠染我衣。泉噴雲液響。長嘯一書
然。聲答輒成兩。參差露茅茨。花竹契幽賞。中有一仙人。曳杖成

正定詩經
獨往爲訴苦風塵。無言但拊掌。仙童采藥還。雲鶴引圓吭。一夢醒遊仙。猶作非非想。

讀阮步兵詩有感舊遊

憶昔遊梁園。夷門競馳逐。南望古吹臺。烟村露蠹蠹。牧澤波流濤。如鏡抱臺曲。振衣一憑眺。足極千里目。宏敞肅殿陰。院宇散花竹。烟樹屯白雲。涼侵鬚眉綠。斷碑古人詩。剝落不堪讀。簫管渺遺音。梁王空芳躅。竭來已五年。人事如轉燭。當時共遊人。星散各碌碌。今閱步兵詩。恍然舊情觸。豈同咏懷吟。頗似窮途哭。擲筆挑殘燈。一夢付蕉鹿。

風雨中走筆

月瑄當清和。將近浴佛節。青天無片雲。斜陽耀瑩潔。倏爾疑黃昏。雲君弄奇譎。呼推墨輪車。阿香匆遽別。天風捲地來。大木幾摧折。玉虎振雷鳴。金蛇疾電掣。沙石競飛騰。茅屋懼掀揭。雨勢陡翻盆。溝澮盈一瞥。去馬與來牛。誰復辨故轍。卓哉天地威。震懼及頑劣。卽今盛萑苻。萬民困蹶躡。焚掠無子遺。殺戮到童耄。盍一震雷霆。坐使妖氛滅。我欲排九閭。填填逢列缺。豐隆帥雲霓。玉女惟笑唾。總轡返扶桑。浩歌彌激烈。四顧何茫然。撫劍腸百結。歸來視案頭。字字杜鵑血。

自責二十韻

適俗非所長。生計每相左。花樣不入時。豈關運坎坷。逢人拙言辭。那得免窮餓。花落猶結實。竹蔭猶添个。而我百無成。但見兀兀坐。毛血日以衰。精銳日以挫。時復被飢驅。風塵任堀堞。既乏軒冕姿。宜乾面上唾。乞食不遑恤。尙矜跂足臥。詩書窺一斑。終難萬卷破。妄希澤畔吟。嘔心學李賀。不欲達官知。但索同志和。兵戈有隱憂。田園不知課。一家皆鶴望。共守無烟鎚。號寒與噓飢。反謂告者過。矻矻不知疲。障眼驢上磨。爲斗不挹漿。爲箕不揚簸。嗟哉七尺軀。毋乃失之愜。投筆一永歎。自責當楚些。長嘯

天爲低。樹隙一星大。

放言

鬼哭造字時。斯言非戲謔。一矜文字奇。萬物共鑄鑿。天心靳才華。詎復分厚薄。所以巨眼人。束之置高閣。祖龍志富强。焚書豈肆虐。漢高輕儒生。始成帝王畧。封侯班定遠。毛錐先拋卻。不聞石季倫。卷軸積浩博。生旣誤儒冠。死卽填溝壑。幸勿慕乘軒。徒爲識字鶴。

不憇惡木陰。不飲盜泉水。恥受嗟來食。甯爲窮餓死。白謂飭廉隅。凡庸安足擬。翩翩冶遊郎。裘馬耀都市。相逢歧路閒。听然啟

玉齒。硜硜拙謀生。一寒竟至此。

源清流自清。源濁流自濁。清者終湜湜。攪之纓可濯。濁者終昏昏。澄之非清。汙杯水一勺多。眸子分瞭眊。黃河發崑崙。閭不見。秦嶽欲令濁者清。六張與五角。

生爲上柱國。死作閻羅王。人事可弋取。天道終渺茫。縱有點鬼簿。位置豈精詳。簞瓢歸顏氏。富厚惟金張。中壽不滿百。修短異彭殤。若云有因果。奚不當身償。妄分前後世。此旨終荒唐。最愛范縝論。春樹花同芳。茵席與籬溷。因風爲飄颺。

以詩代札寄楊厓 鈔二

人事多變態。奇幻秋山雲。奄忽踰三載。膠漆誰能分。一朝掛靴去。索居感離羣。河梁暫攜手。落葉何紛紛。晨風我當發。悵然反送君。仰視南飛鴻。秋聲不堪聞。

遊子千里至。梅花開玉山。椿萱幸各健。婦孺皆歡顏。負米逢兵塵。道路冒險艱。問答多參差。喜心雜悲酸。銀藤春幾度。引蔓綺窗閒。阿兄出應客。隣里攜酒看。世事變陵谷。四坐發永歎。請君且勿歎。試歌行路難。楊厓銀藤書屋春開花甚盛香聞數里

任城太白酒樓題咏者衆矣。然求一超拔之作。亦如景星慶雲。近見有無名氏題句。頗爲簡古。而意未明暢。爰爲

足之斯人而在未識以爲何如

唐室再造功。在李不在郭。區區此文章。生平詎蓋卻。青蓮曾有言。大雅久不作。以詩贊詩人。河伯向海若。

采蓮曲

素藕生紅蓮。蓮開覆水面。同心復同身。底事不相見。盈盈一葉舟。香多載不起。心苦勝花紅。莫拋青蓮子。

論詩二十韻示子雲弟

喜君學古詩。此志我亦頗。慎勿掉輕心。麒麟植徒裏。獨敦古性情。浩氣積鬼石。尋繹三百篇。興觀羣怨可。忠憤屈靈均。姿態何

猗儺。浩蕩探淵源。唐賢振矮矯。百代欽英風。大雅思負荷。古義擷精英。糠粃苦揚簸。風骨宜飛騰。筆力戒頽墮。壯潤助波瀾。章句期帖妥。天風舉鴻毛。大海浮輕舸。氣盛言皆宜。昌黎豈欺我。三昧具其中。高深測誠叵。生平習雕蟲。談詩學炙輶。固陋頗自知。牙慧拾屑瑣。茲旣事吟哦。古人堪證果。光怪雜陸離。去取尤繁夥。高歌遏秋雲。吟苦同飯顆。樹幟登騷壇。俯視嗤么麼。勿令邯鄲人。學步笑偏跛。

紀夢行爲李雨香賦

虛窗多風檐溜急。冷雨颯颯紙盡溼。中心恂恂訪故人。故人相

見爲余泣。夜來夢猶年少時。依依膝下嬉庭幃。偶因小失拂親意。嚴親庭前怒責之。小杖受大杖走。阿母爲我護其首。代剖一言霽嚴威。罔極之恩天地厚。夢中弗覺愛日長。倏然短景孰黃梁。不聞阿母喚兒聲。但聞窗外雨聲助悲涼。語次嗚咽因痛哭。惟願夢境時相續。我亦失恃自孩提。一聞此語悲風木。君雖落拓同於吾。羨君有父堪庭趨。嗟我抱恨此終古。有愧啞啞反哺之乳鳥。

梁園曲贈陸儀卿刺史慎言

梁園花簇迷香洞。芳心豔說釵頭鳳。浪蝶喜傳錦瑟情。離鸞

奏綺樓夢。就中誰最擅芳名。第一幽香太瘦生。楊柳垂絲空繫念。海棠怯雨只含情。情含脈脈無人訴。鳴箏幸得周郎顧。當筵合譜柳枝詞。打槳擬迎桃葉渡。胭脂坡上夜迢迢。不惜千金買此宵。密意只憑眉語送。柔情真箇此時消。情癡數到天隨子。鴛鴦翻浪紅衾底。方思金屋貯阿嬌。誰知中道風波起。無端吒利慕朝霞。珠拚十斛賺名花。不許美人供換馬。卻教鸞鳳竟隨鴉。一朝風絮嗟零落。揉粉搓酥更誰託。縱使儂情柳帶柔。那知妾命桃花薄。黃金無計贖蛾眉。遙寄元家決絕辭。花謝殘香猶泣露。藕拋蓮子尙紫絲。我聞此語轉相戒。贏得青樓薄倖債。慧劍

難揮孽海魔。神工莫補情天界。故人酌爾金叵羅。一曲聊當醉後歌。記取揚州醒昨夢。玉簫何處憶秦娥。

春日偶成數語旋卽失去。茲從行篋中檢出。幾不識廬山面目矣。書以存之。

王粲貌寢子猷狂。兼之清貧似王章。平生百事不掛眼。難合時宜乃其常。胡爲邇來竟然喜。喜得人間三知己。花在枝頭月在杯。座中恒對玉山子。楊匡別號

楊柳青 有序

癸丑冬賊擾畿輔州邑被陷者相望。大將軍勝公保

命自晉赴援。尅日進剿。始有楊柳青之捷。賊鋒大挫。其所馘俘者。藉多脅從。而元惡尙稽。天討也。因以樂府體叙其事。約楊匡同賦。

青青無復見楊柳。髑髏帶血戰場走。官軍昨夜斫賊壕。十萬鯨鯢死駢首。哀哉吾民爲先驅。脅從忍死延須臾。礮子如雨飛霹靂。一時地爲肝胆塗。將軍欲救救不得。愚民胡弗早避匿。慘此玉石不能分。功不敵罪心惻惻。果爾真不愧將軍。突過當年虞允文。身爲國殤不足惜。但願將軍早策勳。策勳楊柳青青月。尙有人來哭白骨。

題楊匡藤花館詩集

生平酷嗜詩與酒。談詩之膽大如斗。願築糟邱老其中。舉樽奮
吾雌黃口。唐之李杜宋蘇黃。千載無人與抗手。後世騷壇誰主
盟。望之駭汗競奔走。粗服亂頭亦天然。顰效西子反嫫母。吾宗
片玉出崑山。星聚天涯成良友。矩矱先民掇精英。運筆洗盡描
摹醜。代古如書响嶮碑。軒翥字字皆蚪蚪。有時綺麗追六朝。濯
濯張緒三春柳。劃然激響變徵音。雷崩電馳驚戶牖。欲叩佳句
法如何。宜將舊作先覆瓿。故人酌以金叵羅。仰天烏烏歌拊缶。
淪落半生何足歎。功名富貴亦何有。君不見文章光燄萬丈長。

古人立言曾不朽。

防河歌

既不能力挽銀漢洗兵戈。又不能險倚天塹守江沱。發言盈庭
競作羅。同辭籲請詔防河。奔走供億甚催科。胥黠吏蠹官弗訶。
前有湯湯捲白波。後有劍戟影相磨。饑民無錢買渡過。委棄骸
骨堆山阿。長官尙自醉顏酡。一葦亦足渡么麼。望之狂奔棄甲
那。驅民爲盜盜孔多。河平河平奈爾何。

寄送家兄舍弟之膠東

秋風已逐客心起。送別轉向秋風裏。風挾雨氣作深秋。催散一

武定詩續錄
樹荆花紫。王粲俯仰總依人。不爲饑驅甯有此。雁聲嘹唳天邊
寒。關山迢遞行路難。峭寒中人念衣薄。春令原上曉月殘。幾時
得共姜被暖。金錢足置中人產。奴耕子讀樂有餘。攜酒閒看秋
雲捲。豈復青鞋布襪走荒山。不得令人開心顏。名利藪反覆手。
有田不歸如此酒。

秣陵秋

金風颯颯白露秋。楓葉荻花江水流。我欲因之涉江去。秣陵不
見使人愁。愁心直共白雲起。夢魂飛渡吳江水。潮打石頭寂寞
回。寒烟漠漠如秋市。聞昔簫鼓盪蘭橈。秦淮紅雨膩生潮。豔舞

逞嬌冷翠晚。穠歌送響暖紅宵。只今惟有陰燐舞。血染香魂悶
香土。繁華過眼空復情。零落當時同心縷。雨淋白骨溼黃昏。鬼
嘯秋月迷荒墳。苔痕鏽澁鴛鴦瓦。灰燼烟飄蛺蝶裙。見此不禁
淚沾臆。秋聲驚起空歎息。健兒殺賊須奮疾。吁嗟乎賊竄他郡
官避匿。退時猶襲高官職。

大雪日微雪卽事

朔風吹雲雲若凍。雲氣噓風風轉送。雲凝風散六出花。寒襲敝
裘嫌不重。畫壁韻事溯旗亭。酒氣拂拂燈光青。吟成十指僵若
槌。有詩欲寫旋復停。停筆相對君莫笑。無聲之詩詩愈妙。君不

見昔日王子猷興盡山陰即返棹是夕與楊厓有聯句之約因有事不果

讀項羽本紀

一時逐鹿紛擾攘扛鼎拔山起草莽天下謂可以力爭鉅鹿一戰運之掌豈知生死所寄人泗上烏江兩亭長

賊退書懷有序

珩璜新論云退之好押狹韻累句以示工讀其寒食出遊詩押韻尤為險絕而尚餘十餘字真段成式所謂惡韻者茲因檢出用之非敢妄希前賢也亦曰世境之險惡與此正復相同耳

賊性貪殘比梟獍角壯翻騰出檻穽孰令大壑縱巨魚浮深鯨蕩恣遊泳所過井邑無子遺鯨鯢吞噬倏已竟相距任城百里餘斥埃潛逃無由偵城中戒嚴鳴鼓笳慎詰奸慝矜治行存亡莫保呼吸間坐困愁城憂心恻途窮或偶為賊憐幸不假道出於鄭年來蹶躅走風塵無由請纓當廷諍何當擊楫大江中誓掃中原腥穢淨空持不律禿成翁筆鋒久遜青鋒硬懷中一刺逾三年模糊字滅正平姓欲從任俠學遨遊豪士何時逢劇孟欲從赤松學長生庸俗凡骨非鮑靚茫茫宇宙寄此身隨風墮如花剽輕胡為鼓鼙動地來猶擁書城對短檠干戈滿眼饒荆

正定詩續金
十一
榛留滯天涯靡歸騁。何如歸耕海上田。邨叟杯酒堪招請。懵然
一醉臥花陰。那顧人世閒嘲評。

題鍾道畫扇

虬髯如戟龍泉若電。吉莫所臨。終南雲變。世間虛耗之孽已盡
乎。胡爲逃入六角之紈扇。

漁山古槐

漁山古槐勢輪囷。偃蹇連卷氣遠引。霜皮溜雨足百圍。枯到心
空溼生菌。古氣盤鬱疑虬龍。巢棲那敢來鷹隼。蔭垂數畝蔽街
衢。飽齧雪霜華豈隕。偉然毓爲大厦材。下視凡木等螻蛄。惜哉

植此闐闐間。人肩相摩車連軫。鼓刀飲羊邪許聲。雜逐馬鞅與
牛鞦。歡呼大嚼聚饞僮。氣薰腥羶雜蔬筍。皮鐵根石幹扶疏。處
之湫隘地愈窘。過而睨者無人焉。但緣短垣當欄楯。劫火幾經
閱滄桑。撐支瘦骨轉道緊。世上小兒愛風華。競將桃李較邢尹。
植根原非時好投。擁腫那免世俗哂。古今志書不見收。搜羅無
乃非詳敏。如斯奇古無紀年。或漢或唐何由準。喬木足爲故國
光。竟如散木棄虛牝。嗚呼度材世已無。公輸誰拔杞梓收。楛篨
我爲撫之一長歎。槐乎槐乎真可憫。

浴佛後一日喜得惕厓消息賦此卻寄

正定詩續金
已過浴佛清和交。晚霞散綺月掛梢。洒然涼風起天末。花陰樹影枝柯。憶昔與君共昕夕。心情不異投漆膠。酒酣耳熱競賭韻。迎刃幾如解牛庖。自君掛帆飄然去。心枯廢井兼塞茅。時或乘興聊點筆。終異旗鼓喧金鏡。當此藥欄月華靜。惜無好句同推敲。昨宵君曾入我夢。愧非昌黎吞篆爻。君自一旁笑拊掌。夢境彷彿識孟郊。覺來鏗花已結蘂。遠聞荒雞鳴嘒嘒。何意夢已兆今夕。書郵非比洪喬捎。呼燈拭目認題寫。手盥薇露啟緘包。新詩結構非凡響。雉登春木牛鳴窳。行且口誦坐想像。知如鸞鳳移新巢。睢渙之間富藻績。文章黻黼自合摻。清風儻得時惠

我。塵俗或免山林嘲。吁嗟我輩困奔走。猶復不忍文詞拋。詩筒故事追元白。文牒迥異胥吏鈔。星馳電赴傳妙句。豈虞山險經呀喙。黃河滾滾走東海。何異杯水置堂坳。人生輕塵棲弱草。安能寂寂同懸匏。徜徉詩酒且快意。升沈詎勞君平教。

黃金臺行

燕昭浮慕天下才。歸然高築黃金臺。易水東流不復返。一時君臣安在哉。王欲致士自隗始。妄言涓人者誰子。目中不辨驪與黃。價拚千金購千里。生者未必真駟良。卽真駟良況已死。謬云名馬至者三。厠身枯骨何足齒。抗顏爲師改築宮。強半牢籠故

西定詩續金
智耳斯世伯樂果終逢。冀北一過羣皆空。嗚呼泥蟠何處無蛟龍。至今吐哺握髮稱周公。

秋九旋里留別方城諸吟壇兼以誌謝

天能定我終落鳧。不能靳我詩酒樂。不願加冠學沐猴。不願乘軒識字鶴。但願長吸酒如澠。俯仰今古雜戲謔。胡爲西風捲地來。落葉聲兼秋城柝。驀然蕩子暫思歸。小別亦作數日惡。竭來勝友集如雲。況復詩有重陽約。東籬黃花解笑人。笑我逃禪才力薄。飲君酒爲君歌。菊香應遜嶺梅多。當頭明月終無盡。入手青山時復過。別時預爲重會地。天心安置無偏頗。世事大抵皆

如此濁酒一杯吾去矣。

清明後五日偕王懿齋家韻笙叔同飲奎樓上醉後戲作

短歌

春旭一竿弄暄妍。杏雨飛紅柳垂烟。藉草鋪花不快意。聯袂飛步層樓巔。東風吹樓搖畫棟。碧酒生鱗風徐送。舉杯直欲奎宿邀。磅礴解衣逞豪縱。奎宿酌爾酒一杯。筆禿何須斗量才。竭來文章非寶貴。在天酒旗星可偕。果爾偕來真奇絕。逸興拏雲對超忽。夜深重登最上頭。拓開軒窗招海月。

般陽謠

代定詩續金

卷十八

卯金子胡爲爾。聚椎埋揭竿起。因我般陽城。脅從詎得已。壓地
官軍來。嗚咽私心喜。與其從賊生。不如屠城死。狼奔豕突勢俱
窮。長白山頭磔身矣。荒城鬼啾啾。夜雨秋風裏。卯金子胡爲爾。

題文信國遺琴拓本

正氣三年獄。忠魂七字吟。景炎存宋統。短調哭秦心。臣節青桐
古。君恩碧海深。高山何處仰。拓本有遺琴。

宿通城驛夜大雨

別酒猶殘醉。行雲此暫停。風痕連幙捲。雨氣逼燈青。秋思窗難
曙。歸心夢易醒。雞聲催客起。餘滴雜檐鈴。

走筆呈楊厓

黃葉落如雨。鐘聲清到心。霜華三徑薄。燈火一窗深。詩思論甘
苦。人情辨古今。相與共晨夕。幸賴有知音。

庚戌客韓原遊春郊外得山字韻一聯頗有天籟置之已

五年矣偶從篋底檢出因續成之較李邦美續酒肆詩

又豈止隔年已耶

鳴鳩聲不斷。一帶綠雲環。水氣遠浮樹。晴光都上山。步隨黃蝶
嬾。心共白鷗閒。五載重回首。詩情尙未刪。

暝坐懷楊厓

一彎新月上。斜掛小樓西。香聚知花靜。陰濃覺樹低。懷人空有夢。裁句總無題。歸去玉山子。音書何久稽。

花朝前一日送許芝山學博歸任城

太白樓頭月。重遊老此生。賣文成落拓。使酒尚縱橫。一送故人去。誰憐羈客情。南池自懷古。雲樹苦思榮。

午夜

伶俚對書劍。短榻可憐宵。涼月窗凝水。猶風樹作潮。壯心隨客減。綺夢為愁消。午夜誰家笛。聲聲破寂寥。

通城驛小住聞有聚匪之警避道南橋

無端嘯聚氣偏雄。焚掠喧傳過處空。客子路捎荒寺外。人家門閉夕陽中。原情儘有民非盜。痛哭時逢途又窮。利濟蒼生吾輩事。撫柔何以答宸衷。

路轉峯迴問去程。柝鳴村市已深更。月來荒店寒無色。雲雜秋山嘯有聲。我本非官羞避寇。人曾被劫怕談兵。朝來繞向楓林外。此際心蘇古道平。

春柳

生憐冶葉更倡條。翠簇花間分外嬌。寄到鶯聲如夢幻。頻來燕影總魂銷。帘遮細雨前村路。水漲東風舊板橋。為語詩人過霸

岸不應輕折小蠻腰。
種得情根別樣柔。當年張緒尙風流。妝成碧玉遲三月。鑄錯黃金怨六州。幾處迷離新畫舫。誰家掩映小紅樓。而今落拓天涯者。爲問章臺似舊不。

自笑

自笑冬烘一腐儒。論文老眼漸模糊。皮毛莫道麒麟楨。畫榻誰描蛟蝶圖。到處儘容人嘯傲。此生甘受鬼揶揄。而今收拾名心起。不把禪機問野狐。

還書

胸中書味尙闌珊。趙壁將歸意未安。佳士相逢偏恨晚。美人悵別欲留難。賞心風雨纔知己。過眼雲烟又寡歡。最是珠還追悔甚。不曾珍重幾回看。

新安道中寄內用壁間韻

往返秦中春又夏。數逢驛使寄梅枝。曉風殘月山行候。應是深閨入夢時。

春宵對月

經年難得月團圓。況屬春三景物妍。倚偏雕欄不歸去。儘情消受海棠天。

高低院外樓臺影。瑣碎亭邊荇藻痕。似把冰壺齊濯魄。不分鳥
夢與花魂。

著人風力太輕柔。月色花光豔欲流。好向姮娥問消息。誰家香
夢熟紅樓。

曉起戲柬楊匡

應知客夢冷吳江。霜信遙傳雁影雙。落葉聲中風力大。自裁矮
紙補晴窗。

悼亡

弱質單寒梅共妍。深閨曾得謝公憐。自從嫁與黔婁後。井臼親

操廿五年

居然荆布孟光儔。林下相期矢白頭。記得拔釵沽市酒。花蒸香
雨一簾秋。

不厭清貧酷愛詩。追思往事不勝悲。打窗風雪歸來夜。無復挑
鐙問字時。

遺編檢得幾摩挲。字迹模糊尚未訛。寫到茜紅羅碧句。墨痕不
及淚痕多。
室人嘗夢中得句云。樹映霞
光紅似茜。水明山色碧於羅。

遊仙詩

道人邀入赤松家。坐閱黃庭服紫霞。滿耳泉聲聞睡鶴。仙風催

放碧桃花。

亂山高處一蒲團。風湧波濤眼底寬。繞我梅花三百樹。中天涼月小於盤。

雲霞縹緲列仙曹。仰見閭門碧玉高。遙聽步虛聲遠近。曇花飄墜赤霜袍。

張策

字松使商河人廩貢。

雨中懷路曉山

秋雨颯然來。遠自故人村。涼風如有意。推我蕭齋門。忽憶西園

客。曾共酒一尊。高談不媚俗。妙悟歸靈根。借以勵頑鈍。絕學當重論。念茲別離久。惘惘傷晨昏。

書悶

終宵意不適。悵然念吾黨。安知猶與狂。追隨愜心賞。一觴復一吟。至今勞夢想。地非千里遙。明朝趨歸鞅。

寄懷甸方

嚶嚶春鳥鳴相求。嘯園歸客懷離憂。以我三年不如意。憐君四載方淹留。臨風策蹇憶前度。翹首東望空雲樹。楊柳莊南花亂飛。指點斜陽送行處。

紀災

日夜蛙聲樂。吾儕獨感傷。八年三度水。一雨萬家霜。無計寬秋稅。何時議社倉。嗷嗷中澤徧。不必問流亡。

代姪孫汝梅書路節婦傳後

薄命已前定。饑寒心所安。窮荒千古恨。垂老一身單。俯仰生何益。伶仃死亦難。祇應天上月。兩地照團圓。

苦雨

明窗無復射朝曦。滿壁新泥盡漏痕。豈有蛟雷喧白晝。不堪蛙鼓鬧黃昏。三更鐙火頻移枕。一派谿聲欲到門。大厦千間無覓

處。錯教人比浣花村。

傅含輝先生索觀時藝錄稿奉寄並柬長律

容易霜華上鬢新。廿年薄技費精神。虛拋歲月成今日。敢謂文章到古人。斷竹焦桐皆中律。野灰殘燒自生春。寸心縱解分甘苦。畢竟妍媸鑑始真。

張履泰

樂陵人諸生

湘江曲

春江綠膩濃於酒。蘭葉香迎蒲帆走。搖開烟浪媚晴暉。一夜東

風生楊柳。儂家門對湘江曲。曉汲清湘影如玉。含情羞見浦花紅。有夢空隨隄草綠。登樓昨日望西洲。今朝書傳錦江頭。書言錦江不得意。猿聲送客下巴州。浪裏浮萍風裏絮。此去茫茫知何處。歸來東閣謝殘妝。鐘漏迢迢天欲曙。

秋夜聞雨

芭蕉葉上雨蕭蕭。獨坐書窗夜寂寥。但聽蟲吟兼雁語。縱無別恨也魂消。

偶興

晚來雪意滿天涯。準憶春回處士家。願借仙人長頸鶴。雲頭騎

去看梅花

蘇榮藻

字墨卿。霑化人。蕉鄰子。道光己酉拔貢。

晚過黃天蕩

破浪乘風去。行行不繫船。濤聲頻到枕。帆影欲浮天。雲擁千峯疊。波含一鏡圓。朗吟三十里。燈火滿前川。

早發泰安

客枕剛成夢。遄征促著衣。一彎殘月小。數點曙星稀。野店聞雞早。行人與雁違。不堪回首處。楊柳正依依。

過觀音巖

峭壁崢嶸上翠微。一菴燈火似星輝。巖腰怪石垂冰柱。洞口危樓耀彩暈。山擁千峯銜日入。松排萬樹礙雲歸。臨流卻羨漁家子。獨坐春風守釣磯。

謝獻黃大猷

字墨卿。嘉州人。嘉靖丁酉。武定。貢。

瀟湘集

卷一

